



JL 6
2529
5



門牌6
號2529
卷49-5

吉林通志卷九

大事志三

女真始祖函普

原作指浦

出自新羅奔至阿觸胡無所歸

遂依完顏因而氏焉六十未娶是時酋豪以強凌弱無有制度函普劈木爲剋如文契約教人舉債生息勤于耕種者遂至巨富若遇盜竊雞豚狗馬者以桎梏拘械用柳條笞撻外賠償七倍法令嚴峻果斷不私由是遠近皆服號爲神明有鄰寨鼻察異酋長姓結徒姑丹小名聖者貨有室女年四十餘尙未婚遂以牛馬財用農作之具嫁之于函普後女真眾酋結

盟推為首領生烏嚕原作訛繼其父業烏嚕生巴哈

原作倂海巴哈生綏赫原作隨闊自幼習射採生長

而善騎射獵教人燒炭鍊鐵剝木為器制造舟車種

植五穀建造屋宇稍有上古之風由是鄰近每有不

平皆詣所請遂號貝勒原作臣伏契丹北盟會編十

金史世紀作完顏部賢女年六十情事支離綏赫事亦不如此詳又此記在修史前故取此

綏赫子舒嚕原作為人剛毅質直生女直初無書契

約束欲稍立條教諸父部人皆不悅欲坑殺之已就

執叔父錫里庫原作謝曰吾兄子賢人必能承家安

輯部眾奈何反欲害之亟往彎弓注矢射走其黨舒

嚕乃得免由是稍以條教為治部落寢強遼以特哩

袞原作官之來流水烏蘇展原作烏部殺完顏部人

舒嚕往治大有所獲乃先頒錫里庫時諸部猶循舊

俗不肯用條教舒嚕與族人果布原作耀武白山之

青嶺順者撫之否者伐之入於蘇伯原作扎蘭之地

所至克捷還經佛頁原作水惡其地名時以困憊不

肯止行至古哩原作甸得疾迨夜寢於村舍有盜至

海蘭水原作烏陵阿原作部人錫馨原作將陰圖

之遂中夜啟行至巴喇濟原作村止焉是夕卒錫

馨與完顏人鄂和原作出邀於路遂奪其柩瓜爾

佳原作部人富呼原作復來襲不及舒嚕之徒告於

佛穆丹原作馬原作與瑪奇原作嶺赫伯原作村完顏部

蒙克巴圖原作葛原作募軍追及與戰始奉樞還時尙未

有文字不知歲月晦朔故莫考年壽修短宏簡錄

子烏古廩原作古原作遼太平元年辛酉歲生自始祖至

此六世矣既長能役屬諸部自白山頁赫原作耶原作圖們

統門扎蘭扎卜古倫原作之屬以至五國之長皆

聽命遼之邊民多逃歸之及遼以兵徙圖垓原作烏

舍原作之民亦不肯徙逃而來歸遼使赫嚕原作曷原作魯原作林

牙將兵來索烏古廩恐遼兵深入得知其山川道路

險易乃以計止之曰恐諸部驚擾變生不測逋戶必

不可得赫嚕信之許其自行索取而還時鄰部雖稍

從錫馨尙拒阻不服攻之不克以計告於遼主言錫

馨阻塞鷹路遼主以爲然遣使責讓會春蒐錫馨與

子頗克綽歡原作諸原作入見遼主乃流錫馨於邊地而

遣頗克綽歡還宏簡錄

遼五國佛甯原作蒲原作部節度使巴哩美原作拔原作叛遼遼

將致討烏古廩恐遼兵深入得其山川險易或將圖

之乃告遼曰彼可計而取也若用兵必將走險非歲

月可平也遼從之烏古廩入其境因襲而擒之以獻

遼主召視燕賜加等授生女直部族節度使宋元通鑑

遼人呼節度使為太師金人稱都太師自此始既為

節度使有官屬紀綱漸立前後願附者眾鄂敏原作

水富察原作蒲察部特克新特布原作神忒保水完顏部圖們

水溫特赫原作迪痕部舍音原作神隱水完顏部相繼來附

金史世紀

遼咸雍八年五國穆延原作沒撚部蘇頁原作謝野貝勒復叛

遼烏古鼐伐之蘇頁敗走巴喇密特原作里邁樂烏古

鼐將見遼邊將自陳敗蘇頁之功行次拉林原作來流水

疾作而卒宋元通鑑參金史

第二子和哩布原作里鉢遼重熙八年己卯歲生成咸雍

十年襲位其從父伯赫原作跋黑有異志和哩布慮其為

變不使將兵但為部長加意事之伯赫遂誘和諾克

原作桓赦薩克達原作散達烏春烏木罕原作謀罕為亂託以和

哩布買鍛工鄂博台原作不屯鐵甲為兵端復間諸部

使相疑貳流言欲生則附於伯赫欲死則附於和哩

布時眾情無以察和哩布乃佯為具裝欲有所往陰

遣人揚言寇至部眾聞者莫知虛實有保於伯赫之

室者有保於己室者乃盡得兄弟部屬向背彼此之

情閒數年烏春來攻舍於阿勒哈原作里矮村和諾克

薩克達亦舉兵來遣弟頗拉淑拒之兵敗會烏春解

去乃以偏師涉舍瑁原作舍很水經特克原作貼割水摩多圖

原作多吐水至和諾克薩克達所居焚其家殺百許人

和諾克薩克達聞之大會諸部來攻過費摩原作裴滿部

以其附於和哩布也縱火焚之富察部沙津原作沙抵貝

勒呼卜圖原作補答貝勒使愛實原作阿喜來告難和哩布

使之詭從以自全遣頗拉淑求援於遼遂率眾出使

費摩呼實原作滿胡喜牽大紫駟馬以為貳馬疾馳至陣

軍吏懼和諾克盛強皆無人色和哩布陽陽如平常

令士卒解甲少憩以水沃面調麩食之有頃軍勢復

振乃引英格手密語之日今日之事若勝則已萬一

不勝吾必無生汝今介馬遙觀若我死汝勿收吾骨

勿顧戀親戚亟馬奔告於遼繫籍受印乞師以報此

讎語畢袒袖不被甲以縕袍垂欄護前後心韞弓提

劍三揚旗三鳴鼓身為先鋒突入敵陣眾從之遂大

勝自安巴彎原作不彎至於北隘甸死者如仆麻摩多

圖水為之盡赤仰天大呼今日之捷非天不能及此

亦可以知足矣乃縱使去即引軍還和諾克薩克達

自此不復能聚各以其屬來降遼大安七年也初和

諾克兄弟之變博都哩原作不部布呼富察部薩克

蘇助之至是招之不來布呼之黨舒嚕

原作石魯遂殺布

呼來降自是舊部悉歸明年沃埒

原作斡勒部人博諾

乃復結烏春烏木罕舉兵頗拉淑與戰敗之獲博諾

以獻於遠拉必

原作臘醅瑪察麻產

侵掠野居女直略拉

林水牧馬和哩布擊之中四創久之疾愈拉必等復

略英格牧馬交結諸部乃復伐拉必等圍穆稜

原作暮稜

水克之盡獲古哩甸兵瑪察遁去遂擒拉必及頗克

綽歡皆獻之遠又恐諸部人疑懼為亂復請以前後

所獻罪人還之既而自將與罕都合兵圍烏木罕棄

城遁去大致俘獲師還寢疾遼大安八年五月十五

日卒襲位十九年母弟頗拉淑襲節度使烏古鼐第

四子也是為肅宗遼重熙十一年壬午歲生在父兄

時號國相初雅達為國相雅達者和諾克薩克達之

父也景祖以幣馬求於雅達而命烏古鼐為之

金史參宏

簡大安八年自國相襲位是時瑪察尙據哲克依

直屋

錄水招之不聽遣烏雅舒伐之阿固達以別軍取

瑪察家屬無遺遂殺瑪察獻馘於遼屯

原作陶温水民來

附

二年癸酉

金史詳校云肅宗襲位始自稱元故變文書之

遣阿固達以偏師

伐尼瑪哈

原作泥部刷

原作水穆哩罕

原作林離海村伯

赫布爾噶

原作播立開

平之同上

三年八月肅宗卒母弟英格烏古鼐第五子也是為穆宗南入稱揚割太師同上

有巖版者生女真之酋也聚族帳最多其孫日揚割頗能用其人遂稱強諸部與東海黃頭相攻十餘年

卒服屬之謀夏錄

生遼重熙二十一年癸巳以擒瑪察功命為詳袞原作

祥大安十年甲戌襲位年四十二以兄和卓子薩哈

原作撒改為國相三年丙子唐古部巴噶原作貝勒與温

都部人巴圖原作相殺遣阿固達率師追殺巴圖錫

馨水赫舍哩

原作石烈

部阿蘇

原作阿疎

穆都哩

原作暗祿阻

兵為難自將往伐薩哈以偏師攻通恩原作城拔之

阿蘇初聞來伐乃自往訴於遼遂留和卓守阿蘇城

會屯水圖嚕庫

原作籠古

水赫舍哩部阿勒班

原作閣版

及舒嚕阿五國鷹路執殺遼捕鷹使者遼使討之阿

勒班等據險立柵方大寒乃募善射者操勁弓利矢

攻之數日入其城出遼使以歸圖門琿春原作水之

交烏庫哩

原作古論

部埒克

原作留可

卓多

原作詐都

適與蘇伯

水烏庫哩達薩塔

原作論敵庫德

弁起兵穆嚕密斯罕原作

米里迷城訥格納

原作根涅

之子通恩亦亡去於是兩

黨作難乃用薩哈為都統希卜蘇阿里罕

原作阿威里合懣

泰原作幹帶副之以伐塔克卓多烏塔

原作烏塔等們圖瑋原作

謾都訶實圖美伐達薩塔通恩將援塔克乘們圖瑋兵

未集而攻之既實圖美軍來會迎擊通恩大敗之降

穆嚕密斯罕城獲通恩達薩塔釋弗殺攻破塔克城

盡殺其城中渠長還圍烏塔城烏塔已先亡在外城

降於軍卓多亦降於普嘉努

原作蒲家奴

於是撫甯諸路

如舊時阿固達因致英格之教於圖們瑋春頁赫錫

馨四路及嶺東諸部自今勿復稱都部長命雙寬綽

哈

原作醜阿

等撫定伊勒呼

原作乞離骨

嶺綽滿

原作注阿門

水之

西諸部居民又命威泰及偏裨悉平二額訥斯瑋原作

涅囊二恩楚

原作蠢出

等路寇盜而還

金史參差簡錄

七年庚辰和卓尙守阿蘇城穆都哩來降阿蘇猶在

遼遼使使來罷兵未到英格使烏凌阿舒嚕往佐和

卓戒之曰遼使來可以計卻勿聽其言但換我軍衣

服旗幟與阿蘇城中同色令遼使不可辨復遣富察

部呼嚕

原作胡魯

貝勒密遜

原作遜遜

貝勒與俱至阿蘇城和

卓見遼使詭言我部族自相攻擊干汝等何事誰識

汝之太師乃援槍刺殺二貝勒所乘馬遼使驚駭竟

歸居數日破其城阿蘇復訴於遼遼遣奚節度使伊

里原作乙烈來英格至拉林水興克原作興和村見伊里問阿

蘇城事徵英格馬數百匹凡攻城所獲存者復與之

不存者備償英格與僚佐謀若償阿蘇則諸部不復

可號令任使也乃令矩威原作隈圖塔原作禿答兩水之民

陽為阻絕鷹路復使布古德原作德部節度使言之

遼曰欲開鷹路非生女直節度使不可遼不知其謀

信之命英格往討而阿蘇城事遂止英格聲言平鷹

路敗於屯水而歸是歲埒克來降同上

八年辛巳遼使使特賜物來賞平鷹路之有功者金史

九年壬午使普嘉努以遼賜給矩威圖塔之民且修

鷹路而歸金史冬蕭哈里叛遼遼壽昌二年事亡入女真阿克

占原作阿典部遣其族人烏達喇至女真約同舉兵盈格

執之會遼主命盈格討哈里盈格募兵得千餘人兄

子阿固達曰有此甲兵何事不可圖也先此女真甲兵未嘗滿千

故遂次混同水與哈里遇時遼兵追哈里者數千不

能克盈格謂遼將曰退爾軍我當獨取哈里遼將許

之盈格使阿固達與哈里戰哈里中流矢墜馬阿固

達執而殺之大破其黨函哈里首獻於遼遼主大喜

錫予加等通鑑輯覽七十九

遼大國舅帳蕭解里

案蕭解里即蕭哈里也

四郎君善騎豪俠

不羈嘗養亡命數十人從行往來遊獵於遼至東西郡間一日獲罪遼國捕之甚峻卽嘯聚爲盜未旬日間有眾二千餘攻陷乾顯等數州諸道發兵捕討累戰不勝潛率眾奔生女真界就結揚割太師謀叛諸軍追襲至境上不敢進具以聞北樞密院尋降宣劄子付揚割一面圖之揚割遷延數月獨斬賊魁解里首級遣長子阿骨打獻遼餘悉不遣給云已誅絕矣隨行婦女鞍馬器甲財物給散有功之人充賞遼不得已反進揚割父子官爵自是揚割父子內恃有功

於遼陰懷異志吞併旁近部族或誣以誘納叛亡或

詐云盜藏牛馬好則結親以和取之怒則加兵以強

掠之力農積粟練兵牧馬多市金珠良馬歲時進奉

賂遺權貴以通情好

契丹國志又謀夏錄所載略同賂遺權貴下有如此十餘年終

契丹道宗朝未有以發輯覽同一事而較詳故並載之

十年癸未二月還遼遣使授有功官賞是歲高麗始

來通好

宏簡錄

女真雖舊屬高麗不相通者久矣會高麗醫者至女

真還言於王曰女真居黑水者部族日強兵益精悍

乃通使於女真

通鑑輯覽

十月二十九日卒年五十一初諸部各有信牌用太祖議擅置者寘於法自是號令乃一民聽不疑自景祖以來兩世四主志業相因卒定離析一切治以本部法令東南至伊勒呼海蘭扎蘭扎卜古倫東北至五國矩威圖塔金蓋盛於此金史世紀兄弟烏雅舒乾統五年癸未襲節度使穆宗末年阿蘇使德濟原作達紀誘扇邊民海蘭甸人執送之穆宗使碩碩歡原作石適歡撫納海蘭甸未行穆宗卒至是遣焉先是高麗通好既而頗有隙高麗使來請議事使者至高麗拒而不納五水之民附於高麗執團練使十

四人同上

二年甲申高麗再來伐碩碩歡再破之高麗復請和前所執團練十四人皆遣歸碩碩歡撫定邊民而還蘇伯水民不聽命使威泰等至呼爾哈原作活羅海川召諸官僚告諭之鴻觀原作舍國部蘇伯水齋沃赫原作幹齡貝勒不至威準原作幹准部哲爾德原作職德部既至復亡去威泰遇二部於瑪奇原作馬紀嶺執之而來遂伐沃赫克之威泰進至博齊赫原作琴海攻拔歡塔原作泓忒城乃還金史四年丙戌高麗遣黑歡方石來賀襲位遣博囉原作孟魯報之高麗約還諸亡在彼者乃使阿古原作阿睦雙寬往

受之高麗背約殺二使築九城於海蘭甸以兵數萬

來攻烏色

原作幹賽

及幹魯大敗之亦築九城與相對高

麗約以還逋逃一人退九城之軍復所侵故地九月

乃罷兵

金史參宏簡錄四年十二月遣都官郎中李國瓊如遼奏還

按東國通鑑睿宗文孝王

女真九城

七年己丑歲不登滅盜賊徵償振貧乏者

十一年癸巳卒年五十三追諡康宗

金史

節度使烏雅舒卒阿古達襲位為達貝勒

原作都勃極烈遼

使愛錫拉布

原作阿息保

謂之曰何不告喪阿固達曰有

喪不能弔乃以為罪乎

通鑑輯覽

赫舍哩阿蘇既奔遼穆宗取其城及其部眾不能歸

遂與族弟尼楚赫

原作銀尤可

薩里罕

原作辭里罕

陰結南江

居人歡塔博索

原作渾都僕速

欲俱亡入高麗事覺太祖使

瓜爾佳薩哈

原作夾谷撒喝

捕之而尼楚赫薩里罕先為遼

戍所獲歡塔博索已亡去薩哈取其妻子而還二年

甲午六月太祖至江西遼使使來致襲節度之命

金史

遼主好畋獵怠於政事每歲遣使市名鷹於海上道

出生女真使者貪縱徵索無藝女真厭苦之烏雅舒

嘗以遼主不遣阿蘇為辭稍拒其市鷹使者及阿固

達襲節度使相繼遣普嘉努實古納

原作習古迺

等索阿

蘇遼主終不許實古納歸具言遼主驕肆廢弛之狀
阿固達乃召其所屬告以伐遼之故使備衝要建城
堡修戎器以聽後命遼主使御史阿息保詰之阿固
達曰我小國也事大國不敢廢禮大國德澤不施而
逋逃是主以此字小能無望乎若還阿蘇朝貢如故
苟不獲已豈能束手受制也阿息保還遼主始為備
命統軍蕭托卜嘉原作達不野調諸軍於甯江州阿固達
聞之使富卦喇原作僕復索阿蘇實觀其形勢富卦
喇還言遼兵多不知其數阿固達曰彼初調兵豈能
遽集如此復遣華沙布原作胡沙保往還言惟四院統軍

司與甯江州軍及渤海八百人耳阿固達曰果如吾

言謂諸將佐曰遼兵知我將舉兵集諸路軍備我我

必先發制之無為人制眾皆曰善續資治通鑑號令諸部

使博勒和原作盧火徵伊蘭原作移懶路都古魯訥兵烏楞

古原作魯古阿嚕撫諭幹琿原作幹忽集賽原作急賽兩路係遼

籍女直薩卜丹原作不迭往安圖原作完睹路執遼障鷹官

達嚕噶原作魯古部副使色埒原作辭列甯江州渤海大嘉

努金史於是達嚕噶部色爾衮原作里館來告我部誰從

諭以吾舊與汝鄰境固當從我若畏遼人自往就之

宏簡錄

九月阿固達率兵進次寥晦城諸部兵皆會於拉林水得二千五百人遂命諸將傳檄而誓至遼界遇渤海軍耶律色實墜馬阿固達射殺之阿固達之子宗幹與數騎陷遼圍中阿固達救之免胄戰或自傍射之阿固達顧見射者一矢而斃謂其下曰盡敵而止眾從之勇氣百倍遼軍大奔蹂踐死者十七八薩哈在別部聞之使其子宗幹完顏希尹來賀勸其稱帝阿固達曰一戰而勝遂稱大號何示人淺也進軍甯江州填塹攻城甯江人自東門出邀擊盡殪之宋元通鑑初女真有戎器而無甲遼之近親有以眾叛間入其

境上為女真一酋說而擒之得甲首五百女真賞其

酋為阿盧里移賚彼云第三箇官人亦呼為相公既起師才有千騎

用其五百甲攻破甯江州松漠紀聞按契丹國志

十月朔克其城獲防禦使大藥師努陰縱之使招諭

遼人鐵驪部來送款次拉林城以俘獲賜將士召渤

海梁福額特埒使之偽亡去招諭其鄉人曰女真渤

海本同一家我興師伐罪不濫及無辜也使完顏羅

索原作招諭係遼籍女真師還命諸路以三百戶為

穆昆原作十穆昆為明安原作綽哈原作等撫定成

默原作水女真拜格原作酋長和索哩原作以城

降金

十一月遼都統蕭嘉哩原作糾里副都統托卜嘉將步騎

十萬會於鴨子河北太祖自將擊之未至會夜方就

枕若有扶其首者三寤而起曰神明警我也即鳴鼓

舉燧而行黎明及河遼人方壞陵道選壯士千人史金

宏簡錄均擊走之因率眾繼進遂登岸與遼兵遇於

珠赫原作出河店會大風起塵埃蔽天乘風奮擊遼兵潰

逐至沃棧原作幹論灤殺獲不可勝計遼人嘗言女真兵

若滿萬則不可敵至是始滿萬云續通志參續資治通鑑

布呼原作僕旭等攻拔賓州烏舍楚古爾蘇原作兀惹來

降遼將實古爾戰於賓州布呼瑋楚敗之鐵驪王和

勒博原作回以所部降宏簡錄

遼圖哩原作鐵驪部奚部奚王和勒博原作回叛降女真

遼東北諸部多叛降女真奚王和勒博總知東路兵

馬事亦率所部降之已而後逃歸於遼通鑑輯覽

烏達布原作覩補芬徹原作蒲察復敗實古爾蕭伊蘇原作乙錫

軍於祥州東幹瑋集賽兩路降烏楞古敗遼軍於咸

州西斬統軍錫埒原作實叟於陣完顏羅索克咸州史金

楊朴為女真建號因說曰自古英雄開國須受禪或

求大國封冊阿固達遂遣人契丹求封冊其事有十

天祚付羣臣議遂差靜江軍節度使蕭習泥烈翰林
學士楊勉充冊封使冊阿固達為東懷皇帝至金國
阿固達大怒遣蕭習泥烈等回曰徽號國號玉輅御
寶我自有之須稱我大金國皇帝兄即已天祚復請
和皆不報遼史拾遺
引謀夏錄

乙未年春正月女真完顏阿古達稱帝國號金阿古
達既屢勝遼其弟烏奇邁原作烏
奇邁率將佐勸稱帝阿
古達不許鄂蘭哈瑪爾原作阿
離合懣等復言之阿古達乃
用楊朴策於正月朔即皇帝位曰遼以寶鐵為號取
其堅也寶鐵雖堅終以變壞惟金不變不壞金之色

白完顏色尙白况所居愛新水原注即今呼爾哈河
唐時謂之忽汗河金
以後謂之金水河金國語以
金為愛新因又謂之金源 之上於是國號大金改

元收國通鑑
輯覽

太祖生於遼咸雍四年戊申秋七月以遼天慶五年
建國曰遼以鑛鐵為國號鑛鐵雖堅剛終有銷壞惟
金赤色最為奇寶自今本國可號大金北盟會編引
金國太祖實

錄
金主自將攻黃龍府進臨益州州人走保黃龍取其
餘民以歸遼遣行軍都統耶律鄂爾多原作訛
里朶左副
統蕭伊蘇右副統耶律漳努原作
張奴都監蕭色佛埒原作

謝佛留騎二十萬步卒七十萬戍邊遼主率兵趨達魯

噶城次甯江州西金主登高望遼兵若連雲灌木狀

顧謂左右曰遼兵心貳而情怯雖多不足畏遂趨高

阜為陣宗雄以右翼先馳遼左軍左軍卻右翼出其

陣後遼右軍皆力戰羅索尼楚赫衝其堅凡九陷陣

皆力戰而出宗幹請以中軍助之遼兵遂敗乘勝追

躡至其營會日已暮圍之黎明遼軍潰圍出逐北至

阿嚕原作阿婁岡遼步卒盡殪是役也遼人本欲屯田且

戰且守故金併得其耕具以給諸軍續資治通鑑

二月師還三月辛未朔獵於寥晦城四月遼耶律漳

努以國書來上以書辭慢侮留其五人獨遣漳努回

報書亦如之金史

九月取遼黃龍府金主攻黃龍府次混同江水深無

舟以渡使一人導前乘赭白馬徑涉曰視吾鞭所指

而行諸軍隨之水及馬腹遂克黃龍府遣蕭齊喇還

告遼曰若歸我叛人阿蘇即當班師通鑑輯覽北盟會編引亡遼錄

作天慶秋女真陷東京黃龍府如咸信通韓春靖泰五十餘州遂又陷遼東長春兩路

冬十一月遼主自將親軍七十萬至圖們原作駙馬

蕭特默原作特末林牙蕭扎拉原作查刺等將騎兵五萬步卒

四十萬至沃梭灤金主自將禦之續資治通鑑金主行次

約囉

原作爻刺通鑑輯覽作鴨綠注云屯名在黃龍府東

與其臣謀曰遼兵號

七十萬其鋒不可當吾軍遠來人馬疲乏宜駐於此

深溝高壘以待之遣都古嚕訥尼楚赫鎮達嚕噶

金史

參通鑑輯覽

十二月丁未上以騎兵親候遼軍獲督餉者知遼主

以漳努叛西還二日矣是日上還至舒吉灤有光見

於矛端戊申諸將曰今遼主既還可乘怠追擊之上

曰敵來不迎戰去而追之欲以此為勇耶眾皆悚愧

願自効上復曰誠欲追敵約齎以往無事餽饋若破

敵何求不得眾皆奮躍追及遼主於呼岱巴

原作護步苔

岡是役也兵止二萬上曰彼眾我寡兵不可分視其

中軍最堅遼主必在焉敗其中軍可以得志使右翼

先戰兵數交左翼合而攻之遼兵大潰我師馳之橫

出其中遼師敗績死者相屬百餘里獲輿輦帟幄兵

械軍資他寶物馬牛不可勝計

金史二

二年正月戊子詔曰自破遼兵四方來降者眾宜加

優恤自今契丹奚漢渤海係遼籍女真室韋達嚕噶

烏舍

原作兀惹

鐵驪諸部官民已降或為軍所俘獲逃遯

而還者勿以為罪其部長仍官之且使從宜居處

同上

四月乙丑以幹魯統內外諸軍與芬徹都古嚕訥會

咸州路都統烏楞古討高永昌同上

九月獵於近郊續文獻通考

天輔元年正月古倫溫貝勒舍音以兵一萬取泰州

金史

二年三月庚子以羅索言黃龍府地僻且遠宜重戍

守乃命合諸路穆昆以羅索為萬戶鎮之同上

七月癸未詔曰匹里水路完顏木里古博囉原作水

路完顏珠勒呼原作朮里古渤海大嘉努等六穆昆民貧

乏可具登耗之數以聞丙申遼戶二百來歸處之泰

州詔遣阿里庫原作阿里骨理嘉努原作李家奴德勒台原作特里

底

招諭未降者仍詔達嚕嚕部貝勒色埒凡降附新民善為存撫來者各令從便安居給以官糧毋輒動

擾宏簡錄

十月乙未咸州都統司言漢人李孝公渤海二哥率

眾來降命各以所部為千戶金史

三年五月壬戌詔咸州路都統司曰兵興以前哈斯

罕輝發原作回怕與係遼籍不係遼籍女真戶民有犯罪

流竄邊境或亡入於遼者本皆吾民遠在異境朕甚

憫之今既議和當行理索可明諭諸路千戶穆昆徧

與詢訪其官稱名氏地里具錄同上

十一月高麗增築海蘭甸長城三尺詔呼嚕古原作胡刺

古錫馨慎固營壘宏簡錄

四年九月距威原作燭隈水部錫勒哈達原作實里古達等殺貝

勒綽哈布古原作德忽德以叛十月戊寅命幹魯分呼

嚕古烏春之兵以討錫勒哈達金史二

五年春正月幹魯敗錫勒哈達於哈達拉山誅首惡

四人餘悉撫定同上

二月分諸路明安穆昆之民萬戶屯泰州以博勒和

統之賜耕牛五十時代遼取泰州徙遼降人居之命

千戶穆昆宗雄按視泰州地土宗雄包其土來奏曰

其土如此可耕種也續文獻通考

六年六月戊子朔上親征遼發自上京辛亥詔諭上

京官民曰今者親征欲由上京路進恐撫定新民驚

疑失業已出自登穆魯原作篤密呂其先降後叛逃入險

阻者詔後出首悉免其罪金史二

七月上京漢人毛八十率二千餘戶降因命領之宏簡

錄

十二月丙辰黃龍府仍附於遼宗輔討平之續通鑑

以上京為內地徙山西諸州民實之續文獻通考

七年九月乙卯葬太祖於宮城西南之甯神殿金史

太宗天會元年九月癸酉發春州粟振降人之徙於上京者三金史

十月己亥上京慶元寺僧獻佛骨卻之同上

二年二月丁酉命徙伊蘭路達貝勒完顏忠於蘇伯

水三月辛巳命置驛上京春泰之間四月戊午賜上

京新築城名會平州乙亥詔贖上京路新遷甯江州

戶口賣身者六百餘人宏簡錄

五月乙巳海蘭路軍帥完顏呼嚕古原作忽刺古等言往

者歲捕海狗海東青鴉鶻於高麗之境近以二舟往

高麗乃盡殺二舟之人帝日以小故起戰爭甚非所

宜今後非命毋輒往續通志

海蘭伊勒呼水霖雨害稼且為蝗所食秋泰州潦害

稼續文獻通考

九月二十七日丙子宋使馬政等至女真所居阿芝

川涑流河北盟會編

十月甲子泰州潦發甯江州粟以振之續通鑑

是年為遼天祚帝保大四年天祚被俘降封海濱王

差兵護送長白山東茅齋自敘作築城居之按史獲

天祚在天會三年契丹國志送長白山東築室居之踰年己巳而殂與亡遼錄同是二年事也從之

五年九月丁未詔以內地諸路每耕牛一具賦粟五

斗以備歉歲續通志

六年冬伊蘭路饑續文獻通考

七年十一月庚戌徙哈斯罕都統司治會甯州金史會字

據金史詳校加

八年七月辛亥詔給泰州都統博勒和所部諸穆昆

甲冑各五十同上

八月丁卯徙昏德公重昏侯於呼爾哈路續通志

九年正月戊申命籍圖們水以西和搏原作渾嘩錫馨珊

沁原作儻三水以北閑田給海蘭路諸穆昆宏簡錄

十一月己未遷趙氏疎屬五百餘人於上京續通志

十年二月庚午賑上京路戍邊之民續通志

四月庚寅以鴨綠混同江暴漲命賑徙邊戍戶之在

混同江者續通志

七月甲午振泰州路戍邊戶宏簡錄

八月甲申黃龍府置錢帛司續文獻通考

十一年十二月癸未振伊蘭海蘭路饑續文獻通考

熙宗天會十三年肇州置錢帛司金史詳校

乃顏之党哈丹收散卒眾號十萬脅掠水達達女真

之地闌入我疆益齋集

天眷元年二月壬戌上如約羅有混同江行宮春水己巳詔

罷拉林水混同江護邏地與民耕牧續文獻通考

七月丁酉按春原作按出許河水溢壞廬舍民多溺死金史

八月以京師為上京府日會甯舊上京為北京續通鑑

九月甲申朔以奭為會甯牧封鄧王金史

二年以黃龍府為濟州軍日利涉續文獻通考

七月庚子捕魚混同江續通鑑

皇純二年正月己亥上獵於拉林河丁未上至自拉

林河金史

五年二月乙未次濟州春水宏簡錄

六年正月乙亥畋於梅稜原作謀勒壬辰如春水四月庚

子朔至自春水金史

三月己亥以上京宮室太狹是月始役五路工匠撤

而新之續通鑑

七年冬十一月復歸上京續通鑑

九年五月戊子曲赦上京囚金史

海陵王天德二年十二月癸丑立太祖射碑於赫舍

哩部中

四年二月戊子次泰州續通鑑

十一月辛丑買珠於烏爾古德喀勒部及扶餘路禁

百姓私相貿易仍調兩路民採珠續通志

貞元元年春三月改會甯府為北京續通鑑

閏十二月有司奏建社稷壇於上京並定社稷制度

續文獻通考

三年五月乙卯命判大宗正事京等如上京奉遷太

祖太宗梓宮六月乙未命右丞相思恭大宗正丞胡

拔魯如上京奉遷德宗梓宮宏簡錄

正隆元年七月己酉命太保昂如上京奉遷始祖以

下梓宮金史

二年八月甲寅罷上京留守司

十月命吏部郎中蕭彥良盡毀上京宮殿宗廟大族

邸第及儲慶寺夷其址耕墾之續文獻通考

亮初刷國中女真五國烏熟鐵黎渤海契丹漢兒軍

自備衣甲鞍馬弓箭刀槍軍需餼糧車牛奴婢遠來

沿邊道途艱辛不肯前行皆共謀曰帝遠犯南朝未

知勝負不若從此就近徑往東京與渤海酋豪冊立

葛王為主金史詳校引神麓記

世宗大定元年會甯呼爾哈率賓原作速頻等路南伐諸

軍會尚書省奏請以從軍來者補諸局司承應人及

官吏闕員上曰舊人南征者即還何以處之必不可

闕者量用新人可也金史

二年正月甲午命咸平濟州軍三萬入屯京師二月
庚寅詔平章政事伊喇元宜泰州路規措邊事秋七
月丁巳率賓軍士珠勒呼等誣完顏默音子色克寄
書其父謀反帝覽書曰誣也珠勒呼伏誅續通志

壬戌詔發濟州會甯府軍在京師者以五千人赴北
京都統府十二月詔會甯府國家興王之地宜就慶
元宮址建正殿九間仍其舊號以時薦享續文獻通考

是歲始許民以米易鹽初遼金故地濱海多產鹽上
京東北二路食肇州鹽率賓路食海鹽皆足以食境
內之民嘗征其稅至是詔轉運副使梁肅移牒肇州
等處許民以米易鹽兵民皆得其利續文獻通考

三年三月丙申詔臨潢漢民逐食於會甯府濟信等

州宏簡錄

五年與宋通好留率賓呼爾哈會甯咸平等路軍內
揀取泰州海蘭路並行放還續文獻通考

會甯府太祖廟成有司言宜以御容安置詔以便服
容一遣官奉安續文獻通考

九年七月乙卯朔罷東北路採珠宏簡錄

十二月丙戌振泰州諸明安民金史

十二年罷上京路會甯府歲貢秦王魚續文獻通考

十三年七月庚子復以會甯府爲上京金史

十七年遷西南西北招討司契丹餘黨於上京續文獻通考

十八年四月命泰州所管諸明安遇豐年多和糴續文獻通考

二十年以上京路女真人戶規避物力自賣其奴婢

致耕田者少遂以貧乏詔定制禁之續文獻通考

二十一年五月戊申增築泰州臨潢府等路邊堡及

屋宇宏簡錄

二十三年七月命推排上京諸路牛具數帝慮版籍

歲久貧富不同明安穆昆又皆少年不練時事一旦軍興按籍徵之必有不均之患乃令驗實推排續文獻通考

二十四年二月癸酉上曰朕將往上京念本朝風俗

重端午節比及端午到上京則燕勞鄉閭宗室父老

四月乙酉觀魚於混同江金史

五月乙丑至上京居於光興宮庚寅朝謁慶元宮戊

戌宴於皇武殿賜諸王妃主宰執百官命婦各有差

宗戚皆霑醉起舞竟日乃罷續文獻通考

六月辛酉幸按春水臨漪亭壬戌閱馬於綠野淀金史

七月乙未謂宰臣曰巡狩所至當舉善罰惡凡有孝悌睦嫺者舉用之無行者教戒之不悛則加懲罰丙午獵於郭野淀

續通鑑

七月罷會甯所屬鹽引添竈戶時帝在上京謂丞相烏庫哩元忠等曰會甯尹富察通言其地明安穆昆戶甚艱舊率賓以東食海鹽呼爾哈等路食肇州鹽初定額萬貫今增至二萬七千若罷引添竈戶庶可易得元忠對曰已遣使咸平以東規畫矣帝曰不須待此宜急爲之

續文獻通考

八月乙亥詔免上京今年市稅十月丁卯獵於近郊

十一月辛卯還宮甲午詔有司報諭宋與高麗夏國

上京天寒地遠正生日並不須遣使

續通志

十一月丙午尙書省奏徙率賓呼爾哈三明安二十四穆昆以實上京時以上京刷和倫之地廣而腴遣刑部尙書烏哩頁出府庫錢以濟行資牛畜遷速頻一明安呼爾哈二明安二十四穆昆以實之

續文獻通考

十二月丙辰獵於近郊己卯還宮

金史

二十五年春正月丁亥宴妃嬪親王公主文武從官於光德殿宗室宗婦及五品以上命婦與坐者千七百餘賞賚有差

續通鑑

二月丁丑如春水四月己未至自春水癸亥幸皇武殿擊毬許士民縱觀金史

甲子詔於率賓呼爾哈兩路明安下選三十穆昆為

三明安移置於刷達巴罕原作率督畔窟之地以實上京王

申曲赦會甯府仍放免今年租稅百姓年七十以上

者補一官甲戌以會甯府官一人兼大宗正丞以治

宗室之政續通鑑

丁丑宴宗室宗婦於皇武殿大功親賜官三階小功

二階總麻一階年高屬近者加宣武將軍及封宗女

賜銀絹各有差羣臣宗戚捧觴上壽皆稱萬歲己卯

發上京續通志

五月癸卯遣使於泰州勸農續通志

十月甲子禁止上京等路大雪及含胎時採捕

是年罷上京會甯府貢豬二萬

二十六年六月癸亥尙書省奏率賓呼爾哈世襲穆

昆事上曰其人皆勇悍昔世祖與之鄰苦戰累年僅

能克復其後乍服乍叛至穆康時始服聲教近世亦

嘗分徙朕欲稍遷其民上京實國家長久之計也宏簡

錄

二十七年五月壬子詔罷海蘭路所進海葱及太府

監日進時果曰慈果應用幾何徒勞人耳金史

命改設麩課聽民酤初二十四年帝在上京會甯尹

富察通請罷上京酒務令民自造以輸稅未許二十

六年帝以上京酒味不嘉欲如中都麩院取課庶使

民得美酒至是遂有是命續文獻通考

章宗明昌三年十月命上京置常平倉續文獻通考

四年十月罷上京常平倉續文獻通考

九月甲申命上京等九路選軍俟來春調發續通志

承安元年十一月庚寅特們原作特滿羣牧契丹圖卜蘇

原作德壽反秦州軍敗之金史

二年九月壬寅遣官分詣上京咸平等路招募漢軍

不足則簽補之續通志

三年春正月丁巳併上京東京兩路提刑司為一提

刑使副兼安撫使副安撫專掌教習武事毋令改其

本俗金史

太和二年十二月丁卯以皇子生遣使報謝於長白

山同上

六年諸路復行小鈔遼東則於上京咸平官庫易錢

續文獻通考

八年八月從遼東按察使楊雲翼言以咸平東京兩

路商旅所集遂從都南例一貫以上皆用交鈔不得

用錢續文獻通考

夏四月甲寅以北邊無事敕尙書省命東北路招討

司還治泰州金史

十二月丁未敕諭臨潢泰州路兵馬都總管承裔等

修邊備同上

宣宗貞祐初耶律瑠格聚眾隆安金人討之爲所敗

盡有遼東州郡稱遼王都於咸平方輿紀要

金主遣宣撫萬努領軍四十萬攻瑠格逆戰於歸仁

縣北河上金兵大潰萬努收散卒奔遼東元史一百四十九

興定元年四月己未以權遼東路宣撫使富察烏錦

權參知政事行尙書省元帥府於上京續通志

元太祖七年壬申春正月故遼人耶律瑠格聚眾隆

安自爲都元帥遣使來附續通志

太祖起兵朔方金人疑遼遺民有他志瑠格不自安

歲壬申遁至隆安韓州剽掠其地數月眾至十餘萬

太祖命按陳諾延呼塔噶行軍至遼遇之問所從來

曰將往附大國按陳曰我奉命討女真適與爾遇豈

非天乎元史一百四十九

八年癸酉春耶律瑠格自立爲遼王改元元統同上

元太祖舉兵攻金有契丹遺種金山王子金始王子
自稱大遼收國王元大舉伐之二王子席捲而東闌
入我疆元遣元帥哈真等與東真國將完顏子淵來
討賊莫能支奔還女真地時賊在咸平與我比境雞
犬之聲相聞益齋集 朝鮮史略入女真 地得女真兵長驅復來寇
太宗五年癸巳秋九月塔斯從皇子貴由東征擒金
咸平宣撫完顏萬努於遼東萬努金內族自乙亥歲
聚眾保東海號東夏至是平之凡十九年而滅元史 一百
十九參方
輿紀要

九年立遼陽鹽課初命北京路徵收課稅所立隨車

隨引載鹽之法每鹽一石價銀七錢半至癸卯年合

蘭路歲辦課白布二千疋恤品路一千疋續文獻通考 十九

世祖中統二年秋八月辛丑賈文備爲開元女直碩

達勒達原作水 達達等處宣撫使元史

九月癸未改開元路隸北京元史 類編

冬十一月壬申罷十路宣撫司止存開元路續通鑑

三年夏六月乙丑割遼河以東隸開元路元史 類編

四年夏四月己未罷開元路宣撫司元史

至元三年春二月甲申復立東京開元率賓原作海 恤品

蘭等路宣撫司元史 類編

四年春正月戊午立開元等路轉運司元史

十二月簽女直碩達勒達軍三千人續文獻通考

六年春二月丁丑開元等路饑減戶賦布二疋秋稅

減半碩達勒達戶減青鼠二其租稅被災者免徵免

單丁貧乏軍士一千九百餘戶為民元史

七年秋七月乙丑以遼東開元總管府兼本路轉運

司事元史類編

八年秋七月壬戌以扎瑪里鼎為提點簽女直碩達

勒達軍元史

九年秋七月丁巳拘括開元東京等路諸漏籍戶賑

碩達勒達部饑元史

十一年春三月庚寅敕鳳州經略使實都高麗軍民

總管洪察球爾等將屯田軍及女直軍並水軍合萬

五千人戰船大小合九百艘征日本元史

十三年夏四月戊辰以河南兵事未息開元路民饑

並弛正月五月屠殺之禁續通志

庚辰以碩達勒達分地歲輸皮革自今並入上都元史

續文獻通考
作十三年

秋七月丙午改開元宣撫司為宣慰司元史

十五年春正月壬寅弛女直碩達勒達酒禁續文獻通考

十六年秋九月乙巳朔詔女直碩達勒達軍不出征

者令隸民籍輸賦續通志

十七年咸平路蝗續文獻通考

冬十月甲戌遣使括開元等路軍三千征日本續通志

十八年秋八月壬辰以開元等路六驛饑命給幣帛

萬二千疋民鬻妻子者官為贖之元史

十九年冬十月丁未女直陸實自請造船運糧赴鬼

國贍軍從之元史

二十年夏五月丙子立海西遼東提刑按察司按治

女直碩達勒達部元史類編

八月甲子遣軍六千人淘金雙城元史類編續通志

蘇岱爾所部六十八人淘金雙城

冬十二月癸卯發粟振碩達勒達四十九站戊申給

布萬疋振女直饑民一千戶元史

二十一年夏四月戊申命開元等路宣慰司造船百

艘付狗國戍軍續通志

二十二年夏六月庚戌命女直碩達勒達造船二百

艘及造征日本迎風船續資治通鑑

冬十月塔海弟陸實言百姓及諸役下民俱令造船

於女直而女直復發為軍工役繁甚元史

二十三年春二月乙巳廷議以東北諸王所部雜居

其間宣慰司望輕罷山北遼東道開元等路宣慰司

立東京等處行中書省以庫庫尼敦為左丞相遼東

宣慰使達春右丞

元史 按元史 類編省治咸平

秋七月復咸平宣慰司

續文獻 通考

冬十二月乙未遼東開元饑振糧三月

元史

二十四年春正月丁亥弛女直碩達勒達地弓矢之

禁

續文獻 通考

閏二月癸亥以女直碩達勒達連歲饑荒移粟振之

仍免今年公賦及減所輸皮布之半

元史

夏六月乙丑諸王蘇都爾

原作失 都兒

所部特爾格

原作 鐵哥

率其黨取咸平府

元史

秋七月癸巳納延黨蘇特爾犯咸平宣慰達春從皇

子阿雅噶齊合兵出瀋州進討宣慰伊爾蘇克分兵

趣懿州其黨悉平

續通 志

九月戊申咸平懿州北京以納延叛民廢耕作又霜

雹為災告饑詔以海運糧五萬石振之

續資治 通鑑

二十五年春二月壬戌省遼東海西道提刑按察司

入北京

元史

八月以咸平游經兵亂發瀋州倉振之

續文獻 通考

二十六年春二月哈坦兵寇呼嚕口開元路治中烏

延雅勒呼破之續通志

六月庚申諸王奈曼岱敗哈坦兵於托果琳河續通志

二十七年春正月丙寅命高麗國發耽羅戍兵討哈

坦餘寇續通志

二月戊寅開元路饑續文獻通考

夏五月乙巳哈坦寇開元元史

九月己巳平章政事實喇特穆爾帥師與哈坦戰於

烏法大破之續通志

十二月乙未摘蒙古軍萬人戍雙城及博索府以防

合丹兵元史類編

二十八年春二月辛未遣官覆驗碩達勒達咸平貧

民振之元史

冬十月辛卯詔給蒙古人內附者及開元南京碩達

勒達等三萬人牛畜田器續文獻通考

二十九年夏五月甲午遼陽碩達勒達女直饑詔呼

圖克布哈原作忽都不花趣海運給之元史

閏六月丁酉開元等路雹害稼免田租七萬七千九

百八十八石

秋九月壬午碩達勒達女直民戶由反地驅出者押

回本地分置萬夫千夫百夫內屯田元史

十月以蠻軍女直戶為咸平府立蒲峪路屯田萬戶

府續文獻通考

三十年春正月庚午給尼奇哩女真牛價農具續通志

冬十二月辛卯武平路達嚕噶齊塔海言女直地至

今未定賊一人入境百姓離散臣願往安集之詔以

塔海為遼東道宣慰使元史

于楚勒罕拉林等處立屯續文獻通考

成宗元貞二年七月肇州萬戶府立屯田給以農具

種食以納顏布勒噶齊及打魚碩達勒達女直等戶

於肇州旁近地開種續文獻通考

十二月開元路旱續文獻通考

大德三年四月遼東開元咸平蒙古女直人乏食以

糧二萬五百石布三千九百疋振之續文獻通考

四年十一月罷遼陽省所轄狗站牛站為一續通志

七年開元路雨水壞田廬元史

秋七月丙子罷遼東宣慰司元史

仁宗皇慶元年春三月省女直碩達勒達萬戶府冗

員元史

六月碩達勒達路水松阿哩江溢民避居伊瑪音爾

嶺開元路風雹害稼續文獻通考

延祐二年夏五月庚午立海西遼東鷹坊萬戶府隸

中政院續通志

五年開元路水續文獻通考

七年夏六月壬辰罷女直萬戶府及狗站

英宗本紀延祐七年八月丁卯脫思馬部宣慰使亦憐真坐違制不發兵杖流奴兒干之地

至治元年二月丁巳李謙亨竄於奴兒干地三月己亥宦者孛羅鐵木兒坐罪流奴兒干地

五月壬寅開元路霖雨傷稼

秋七月壬申開元等路大水以上元史

三年正月征東摩濟地沃濟以貂鼠水獺海狗皮來

獻詔存恤三歲元史類編

泰定帝本紀至治三年八月癸巳卽位十二月癸未

流諸王曲呂不花於奴兒干元史

泰定二年夏六月丙午碩達勒達路饑振糧一月元史

秋九月壬戌開元路三河溢沒民田壞廬舍元史

致和元年六月開元路水續文獻通考

文宗天歷二年夏五月丁巳碩達勒達路烏蘇果勒

千戶所大水元史

至順元年春二月己丑開元路呼爾哈萬戶府軍士
饑給糧振之

夏五月戊辰開元路呼爾哈萬戶府軍士饑各振糧
二月

秋七月開元路旱續文獻通考

九月丁未遼陽行省碩達勒達路自去夏霖雨黑龍
松阿哩二江水溢民無魚為食至是邁拉遜一十五
狗驛狗多餓死振糧兩月狗死者給鈔補市之元史

順帝元統二年夏六月乙酉開元瀋陽懿州水旱蝗
大饑詔以鈔二萬錠遣官振之元史

至正三年遼陽窩濟人及碩達勒達皆叛元史類編

六年夏四月壬子遼陽為捕海東青煩擾沃濟野人
及碩達勒達皆叛萬戶邁珠等討之遇害詔恤其家

續通鑑

七年夏四月辛巳以通政院使都蘭格爾為遼陽行
省參知政事討沃濟野人續通志

八年三月遼東薩古納反詐稱大金子孫碩達勒達
托克托和斯唐古和爾果斯討擒之續通志

十年夏四月庚子罷海西遼東道巡防捕盜所立鎮

甯州元史

明太祖洪武二十年夏六月馮勝至金山納克楚降
初元太尉納克楚擁眾數十萬屯金山數侵遼東帝
以勝為大將軍征之復遣前所獲之元將鼐喇固北
還勝帥師趨金山鼐喇固至松花河納克楚見之大
驚勝深入至女直苦屯納克楚度不敵乃降初納克
楚分兵為三營一日榆林深處一日養鷺莊一日龍
安伊圖河畜牧蕃盛及為大軍行所偏因請降將士
妻子十餘萬在松花河北凡二十餘萬人所獲輜重
馬畜五百餘里還至亦迷河復收其殘卒二萬餘
通鑑

輯覽參明史
一百二十九

二十二年夏五月置福餘三衛原注今科爾沁郭爾
羅斯杜爾伯特等部
為福餘衛故
地通鑑輯覽

二十六年六月遼東都指揮使司奏朝鮮國招引女
直五百餘人潛渡鴨綠江欲入寇明史三
百二十

成祖永樂元年窩集部長錫揚哈舒什哈進馬置窩
集衛以錫揚哈為指揮舒什哈為指揮同知滿洲源
流考引

明實錄
以下同是年野人酋長來朝已而建州海西悉境
歸附博物
典彙

二年置窩集左衛以部長托克托和為指揮同知
置窩集右衛以部長諾海為指揮同知 置窩集後

衛以部長徹伯爾爲指揮同知 十月置窩集屯河
所以歡塔等爲千百戶

三年置薩里衛以巴蘭等處部人茂義等爲指揮僉
事

四年正月置喀爾岱所以巴圖布哈爲千百戶 置
塔山衛以部長達拉齊爲指揮 置達喜穆魯衛衛
爲業赫國地部長祝孔額嘗授達喜穆魯衛都督僉
事 二月置額音楚衛以部長多羅爲指揮 三月
置吉河衛以部人速魯棟阿爲指揮 七月因溫托
琿等處部人吉里納入朝置雙城等五衛 八月烏

拉等處部人奇爾鼐紐爾等來朝置烏拉伊爾托漠
費森四衛 置塞珠倫衛以部人鼐爾布哈爲指揮
五年正月又置塞珠倫河衛 置穆楞河衛又以部
人納尼爲指揮 五月置齊努渾等十二衛以部人
圖成阿等爲指揮等官 九月置肥河衛以圖河錫
勒們山等處人爲指揮等官 十月置穆陳衛與布
爾堪衛同置以部人與齊布哈等爲指揮 十二月
烏拉^{原作}等處部人和索哩成格奇納等來朝置穆
勒肯山衛於接里之地 十二月以部人迪陞格爲
指揮 置庚吉音河等五衛以部人克成額爲指

揮

六年正月置推屯河衛以部人伯辰等爲指揮
二月置費克圖河衛以部人嘉凌阿和托爲指揮
三月置瑚爾哈河衛以訥訥赫等處部人博素爲指揮
四月置特林河衛以部人特穆爾等爲指揮
五月置富勒堅衛以尼嚕罕部人瑚爾都訥爲指揮
六月改瑚爾哈衛爲福題希衛以部人達實爲指揮
七月置奇穆尼衛以瑚爾穆地部人薩敦爲指揮
八年二月置庫梭河舒藩尼滿河等三衛以納哈等
十九人爲指揮等官
置費雅河衛以部人圖拉等

爲指揮
十月置希禪河衛以部人選塔努爲指揮
僉事

九年二月置畢瞻河衛以部人瑪吉尼爲指揮
十二年三月置布爾噶圖河衛以部人伊能額爲指揮
置噶海河衛以部人廣佑等爲指揮
十二月置實爾固宸衛以部人萬達爲指揮
十三年十月置扎津衛以部人吉當阿爲指揮同知
置呼錫哈哩衛以部人呼塔斯爲指揮同知
置珠敦河衛以部人章嘉爲指揮同知
十四年八月置吉潭河衛以部人雅蘇爲指揮同知

屬瑚爾哈福題希衛

宣德九年泰甯拙赤等拘肥河衛使人殺之肥河衛頭目別里格與戰於格魯坤迭連拙赤大敗建州亦出兵攻之三衛大困

明史三百二十八

正統三年先是建州長童倉避居朝鮮界已復還建州朝鮮言昔以窮歸臣臣遇之善今負恩還建州李滿住所慮其同謀擾邊建州長言所部爲朝鮮追殺阻留一百七十餘家

十三年冬命使調發朝鮮及野人女直兵會遼東征北寇

景泰元年遼東奏報開原瀋陽有寇入境掠人畜係建州海西野人女直頭目李滿住爲嚮導

天順三年邊將奏有建州三衛都督私與朝鮮結恐爲中國患因敕琛母作不靖貽後悔琛疏辨復諭曰宣德正統年間以王國與彼互相侵掠敕解怨息兵初不令交通結賞授官也彼既受朝廷官職王又加之是與朝廷抗也王素秉禮義何爾文過飾非後宜絕私交以全令譽

四年復諭琛曰王奏毛憐衛都督郎卜兒哈通謀煽亂已置之法夫法止可行於國中豈得加於鄰境郎

卜兒哈有罪宜奏朝廷區處今輒行殺害何怪其子
阿比車之思復讎也聞阿比車之母尙在宜急送遼
東都司令阿比車領回以解讎怨

五年建州衛野人至義州殺掠琰奏乞朝命還所掠
兵部議朝鮮先嘗誘殺郎卜兒哈繼又誘致都指揮
兀克縱兵掠其家屬今野人實係復讎宜諭朝鮮寇
盜之來皆自取惟守分安法庶弭邊釁從之

成化元年三衛頭目朶羅干東合海西兵入塞

成化三年是時朝廷用兵征建州敕琰助兵進剿琰
遣中樞府知事康純統眾萬餘渡鴨綠潑瀦二江攻

破九獮府諸寨斬獲甚多

以上明史
三百二十

吉林通志卷十

沿革志上

吉林屬城及府廳州縣沿革全表

吉林統部	
唐虞三代	虞為息慎前漢西南東北為揭 夏至周為元菟郡婁東南為 肅慎亦曰地後漢東北沃沮西 櫻慎北為挹婁南為高句西 沃沮西南北驪北境西驪三姓東 為高句驪北為扶餘北為豆莫 北境西北為扶餘
晉	北魏
隋	唐
遼	金
元	明

吉林通志卷十

敦化縣 長春府 農安縣

虞為息慎為元堯郡
夏至周為上殷古縣
肅慎亦曰稷慎

為挹婁

為勿吉

為白山靺鞨

初為白山靺鞨後為渤海率賓府之建州

為海蘭路為開元路之西北會屬境

初為建州農額勒赫什赫河等衛後為窩集部之赫席赫路

虞為息慎為夫餘
夏至周為肅慎亦曰稷慎

為夫餘

為夫餘

為高句麗

為高麗之扶餘城境

初為高麗為東京道為隆州境為開元路屬境

初為三萬衛後屬蒙

初為三萬衛後屬蒙古科爾沁部

虞為息慎為夫餘
夏至周為肅慎亦曰稷慎

為夫餘

為夫餘

為高句麗

為高麗之扶餘城境

初為高麗為上京道為上京之扶餘城後之長春州隆州東路治後為衛後屬蒙

初為開元路屬古科爾沁部

初為三萬衛後屬蒙古科爾沁部

伯都訥廳 賓州廳 五廳 常廳

虞為息慎為夫餘
夏至周為肅慎亦曰稷慎

為夫餘

為夫餘

為勿吉

為伯都訥靺鞨

初為伯都訥靺鞨後為甯江州及渤海扶餘達嚕噶部

為上京肇境

初為三萬衛後為三岔河衛後屬烏拉部

虞為息慎為挹婁
夏至周為肅慎亦曰稷慎

為挹婁

為挹婁

為勿吉

為安車骨靺鞨

初為安車骨靺鞨後為渤海京屬境

為上京會為合蘭府為費克圖

為費克圖岳希阿實衛等

虞為息慎為挹婁
夏至周為肅慎亦曰稷慎

為挹婁

為挹婁

為勿吉

為安車骨靺鞨

初為安車骨靺鞨後為渤海京屬境

為上京會為開元路為摩琳衛

為摩琳衛

姓三

虞為息慎
夏至周為
肅慎亦
曰稷慎

為挹婁

為挹婁

為勿吉東
北為豆莫

為號室鞞
鞞初設
黑水靉
靉府後
莫曳皆
莫越喜
利等鞞
州

為呼爾哈

為合蘭府
碩達勒
路之屯
戶府

塔穆後等
路呼爾哈
部之那堪
泰路

初為薩里
屯河伊爾
庫魯魯
穆勒肯山
特林山鳥
蘇哩河喜
雅哩河克
默勒奇集
河綽拉題
山猷特哩
阿穆爾河
福題希奇
穆尼庫梭
希禪里塔
哩河密密
勒河哈勒

費延賈爾
固辰扎津
和爾邁和
屯瞻屯敦
敦河幹里
城阿奇格
根穆蘇海
楚等衛及
窩集屯河
呼特亨法
特哈河窩
集奎瑪窩
集沃勒齊
岳塞喜魯
林等所後
為窩集部
之烏爾固
辰路呼爾
哈部之喀
爾喀木等

春 琿

虞為息慎
夏至周為
肅慎亦
曰稷慎

為北沃沮
為北沃沮
為勿吉

為拂提鞋
鞞之南境
白山部之
東境

初為拂提
鞞之南境
為渤海南
京南海府
沃晴椒三
州東京龍
原府慶鹽
穆賀四州

為博羅滿
達勒部

為率賓路
海蘭路

為開元路
屬境

十屯諾羅
錫喇忻音
達琿塔庫
喇喇等路
初為率寶

江穆霞河
唐吉音河
烏爾琿山
額哲密河
通肯山阿
布達哩河
布爾噶圖
河西林湖
葉吉朗吉
愛丹哈瞻
等衛及喀
爾岱所後
為窩集部
之胡葉殺
芬雅蘭錫

琳等路瓦
爾喀部之
斐優城呼
爾哈部之
扎庫塔城
庫爾喀部

吉林統部

一以時代為序其屬城及府廳州縣為古某朝某地亦即於每朝下分注之不更標

目以省
復重

虞為息慎夏至周為肅慎亦曰稷慎

史記五帝本紀至于荒服北山戎發息慎咸戴帝舜

之功

集解鄭元曰息慎或謂之肅慎東北夷索隱此

文省略山戎下少一北字鄒氏劉氏曰息並音肅非也且夷狄之名古書不必皆同今讀如字

山海經海外西經肅慎之國在白民北

又大荒北經大荒之中有山名曰不咸有肅慎氏之

國

郭璞注今肅慎國去遼東三千餘里今名之為挹婁國

書序成王既伐東夷肅慎來賀

孔氏傳肅慎馬本作息慎云北夷也

逸周書王會解正北方稷慎大塵

孔晁注稷慎肅慎也

左傳昭九年肅慎燕亳吾北土也

杜注肅慎北夷在元菟北三千餘里

正義韋昭曰肅慎東北夷之國去扶餘千里晉之元菟即在遼東東北杜言元菟北三千餘里是北夷之近東者故杜言北夷韋言東北夷

謹案息慎稷慎肅慎郝氏懿行謂為聲轉字通實

一國也其名則自唐虞時已見中國下訖西漢都

無異稱縣歷二千餘年傳世可謂最久後漢書挹

婁傳乃有古肅慎之稱郭璞注山海經直云今呼

之為挹婁國似其易號特在漢晉之間然其後晉

元中興猶詣江左貢其石柝成帝時又嘗通使石

季龍宋孝武大明三年復獻其楛矢豈挹婁新國

猶沿肅慎舊稱耶抑遺黎保聚自立一方如遼已

滅渤海而後唐時猶屢有渤海入貢之類歟書缺

有間未易定也其疆域則郭璞云去遼東三千餘

里漢晉千里大抵得今里六百有餘晉遼東為今

遼陽州地以道里考之正當在今甯古塔杜預云

在元菟北三千里元菟去遼東千里其北三千里

則當在今三姓地韋昭云去扶餘千里與今由長

春至甯古塔境道里亦復相符夫遼東元菟秦漢

始有此稱而周景王曰肅慎燕亳吾之北土則是

遼東以北直至混同江南北之地在周以前固皆為肅慎國境疆域至為廣博滿洲源流考謂其國南包長白北抵弱水東極大海廣袤數千里不信然哉

西漢為元菟郡地東漢及魏為夫餘挹婁沃沮及高句

驪北境

元菟郡

今吉林府及伊通州地

漢書地理志下元菟郡武帝元封四年開屬幽州縣

三高句驪

原注遼山遼水所出西南至遼隊入大遼水又有南蘇水西北經塞外上殷

台西蓋馬

原注馬訾水西北入鹽難水西南至西安平入海過郡二行二千一百里

陳澧東塾集二長白山我

大清發祥之地在漢元菟郡境非塞外地也按漢志馬

訾水今鴨綠江鹽難水今佟家江鴨綠江源出長白

山是長白山乃漢西蓋馬縣境之山也漢志於近塞

之水源出塞外者必著之

如遼東郡望平大遼水出塞外番汗沛水出塞外是也

馬訾水不云出塞外則水源在塞內即長白山在

塞內明矣長白山縣互數百里鴨綠江出其南麓其

山北蓋漢上殷台縣地也元菟郡三縣惟上殷台無

山水可考然排比鉤稽而知其當在西蓋馬之北高

句驪之東其地為長白山之北也何以明之按志所

云遼山今

興京英額門外長嶺也遼水今渾河也渾河與佟家江相去僅百餘里則漢高句驪西蓋馬二縣接界其間不得復容上殷台一縣也志所云南蘇水今赫爾蘇河也志言此水經塞外則漢高句驪縣之北即塞外上殷台不得在高句驪北境也志又云遼東郡望平大遼水出塞外南至安市入海遼陽大梁水西南至遼陽當作遼隊入遼按大遼水今潢河也在渾河西百餘里大梁水今太子河也在渾河南百餘里是漢高句驪縣西與望平縣接界南與遼陽縣接界皆遼東郡

境非元菟郡境上殷台又不得在高句驪之西境南境也太子河之源在佟家江西百餘里又志云遼東郡番汗沛水出塞外西南入海按沛水今朝鮮國大定江也在鴨綠江南百餘里是漢西蓋馬縣西與遼陽縣接界南與番汗縣接界亦皆遼東郡境非元菟郡境上殷台又不得在西蓋馬之西境南境也然則上殷台既不在高句驪西蓋馬二縣之間又不在高句驪之北之西之南又不在西蓋馬之西之南必在高句驪之東西蓋馬之東之北其地為長白山之北無疑也

漢上殷台縣或為今吉林或為今甯古塔但漢志不載水道故無以定之

長白山

南爲漢西蓋馬縣北爲漢上殷台縣是

大清發祥之地乃漢西蓋馬上殷台二縣地也

謹按漢遼東郡全有今奉天一省之地固無地可復容元菟一郡而郡所屬之西蓋馬縣爲馬訾水所出馬訾水爲今鴨綠江已無疑義則西蓋馬縣之決不在今海城蓋州境內亦更無疑義自明一統志始以元菟強隸遼東後之修志者復誤蓋馬爲蓋牟之音轉謂卽唐太宗所取之高麗蓋牟城於是西蓋馬高句麗兩縣皆入遼東而於遼水南蘇馬訾鹽難諸大水所出顯然明白之文皆不復

顧並馬訾水過郡二行二千一百里之文亦無處可通而上殷台一縣遂疑闕不可知雖精於地理如李氏兆洛者亦疑不能明也今以陳氏之說考之則西蓋馬上殷台兩縣爲今吉林府境並府境以外南際長白山之地高句驪縣爲今伊通州磨盤山境並兼有奉天海龍廳之地山川疆域固一可稽也又按後漢書東夷傳沃沮在蓋馬大山之東蓋馬大山一統志源流考諸書皆未能實指所在考沃沮爲今琿春其地在長白山以東長白山今考爲西蓋馬縣境之山則蓋馬大山之卽長

白山夫固信而有徵矣此山一定則山西爲西蓋
馬縣山東爲嶺東七縣皆按册可稽樂浪爲七縣
統部居元菟之東以漢書次第知之而不在吉林之域以
地望診之應爲今朝鮮咸鏡道地核以漢書魏志
其行軍道里皆不甚相懸也

夫餘長春府伯都訥廳雙城廳地

後漢書東夷傳夫餘國在元菟北千里南與高句驪
東與挹婁西與鮮卑接北有弱水地方二千里本濊
地也

三國志東夷傳夫餘在長城之北本屬元菟漢末公

孫度雄張海東夫餘王尉仇台更屬遼東時句驪鮮
卑疆夫餘介二虜之間

通典邊防一扶餘國後漢通焉初北夷索離國王有
子曰東明長而善射王忌其猛而欲殺之東明奔走

南渡掩源水因至夫餘而王之原注按後漢魏二史皆云扶餘國在高句

驪北又案後魏及隋史高句驪在扶餘國南而隋史云百濟出於扶餘扶餘出於高句驪國王子東明之後也又謂索離國即高麗國乃扶餘國當在高麗之南矣詳考諸家所出疑索離在扶餘之北別置一國

謹案夫餘四至以漢時地理考之元菟郡有蓋馬

大山山即長白則元菟爲長白山以北地高句驪

元菟屬縣縣有南蘇水爲今赫爾蘇河出奉天海

龍廳經伊通州北出塞是高句驪北境爲今伊通州地也夫餘在元菟北千里南與高句驪接則今伊通州以北爲夫餘國地無疑矣又考魏志注鮮卑東接遼水通典云鮮卑漢初竄遼東塞外遼水卽今東遼河爲赫爾蘇河出塞之名而昌圖府境實古遼東塞外之地夫餘西接鮮卑則固在昌圖以東史云方二千里約略計之每方當得四五百里昌圖斗入伊通長春之間不及百里不足以盡夫餘之境則自南而北長春及伯都訥兩府廳爲夫餘故地無疑矣挹婁今之甯古塔也史言在夫

餘東北千餘里中間更無他國夫餘國境自西至東亦以數百里計之則自五常賓州以東爲挹婁地伯都訥雙城兩廳以西爲夫餘國地無疑矣舊說以奉天開原縣爲夫餘故國按之四至無一合者固不足置辨漢書注以掩漉水爲湏水若然則夫餘乃在高麗之南亦顯與史文不合竊疑索離旣曰北夷無論爲索離橐離橐離橐離皆史之異文要自夫餘以北別有一國通典之言爲得其實焉又高句驪王墓碑碑在奉天海龍廳有東夫餘北夫餘之稱東夫餘卽此夫餘北夫餘則應在北郭爾羅斯及

黑龍江地可見當時壤地甚大夫餘特總名而傳
不載所由起史云高句驪出於夫餘高句驪之世
數見其秘記者云不及九百年則自唐高宗時溯
之高句驪蓋興於漢初夫餘其所出宜在秦漢間
矣

挹婁

今甯古塔東
北一帶皆是

後漢書東夷傳挹婁古肅慎之國也在夫餘東北千
餘里東濱大海南與北沃沮接不知其北所極

謹按史言挹婁古肅慎國肅慎在不咸山北不咸
山即今長白山則挹婁國境自在甯古塔地無疑

自遼人設挹婁縣於瀋州北纂遼史者復不諳方

位遽以瀋州

今奉天府

為挹婁故地於是不得不以海

耀等州

今奉天海城熊岳境

為沃沮所謂差之毫釐謬以千

里也東漢會要云漢興以後臣屬夫餘似其興也
亦在秦時若王氏補注王會編以符婁為即挹婁

亦未確也

沃沮

今琿春一帶

後漢書東夷傳東沃沮在高句驪蓋馬大山之東

注蓋

馬縣名屬
元菟郡

東濱大海北與挹婁夫餘南與濊貊接其

地東西夾南北長可折方千里武帝滅朝鮮以沃沮

地爲元菟郡後爲夷貊所侵徙郡於高句驪西北更以沃沮爲縣屬樂浪東部都尉至光武罷都尉官後皆以封其渠帥爲沃沮侯又有北沃沮方輿紀要東沃沮亦曰南沃沮一名置溝婁去南沃沮八百餘里其俗皆與南同界南接挹婁挹婁人喜乘船寇鈔北沃沮畏之

三國志三十東沃沮在高句驪蓋馬大山之東濱大海而居其地形東北狹西南長可千里漢初燕亡人衛滿王朝鮮時沃沮皆屬焉漢以土地廣遠在單單大領之東分治東部都尉治不耐城方輿紀要不耐城在朝鮮咸興府別主領東七縣時沃沮亦皆爲縣光武六年省邊

郡都尉以縣中渠帥爲縣侯沃沮諸縣皆爲侯國北沃沮一名置溝婁去南沃沮八百餘里其俗南北皆同與挹婁接

謹按南北沃沮皆在單單大嶺原作領古字通以東單單

大嶺今之長白山也滿洲源流考朔方備乘謂沃沮勿吉渥集烏稽爲音轉字通實皆一地則卽吉黑兩省全境言之也曹廷杰三省圖說謂南沃沮在長白山南北沃沮在長白山北則卽漢書魏志所云四至言之也核以今地則諸說皆通專考二史則曹說近實然則南沃沮固應在今高麗咸鏡

道北沃沮則爲今琿春全境矣惟是魏毋邱儉攻
句驪王宮宮奔北沃沮儉追之過沃沮千里到肅
慎氏南界後漢書挹婁傳亦云南與北沃沮接則
挹婁之北不得更有沃沮肅慎挹婁異名同地而
北沃沮傳乃云南接挹婁則又似出肅慎之北者
按以當時四至理不可通考魏志無南字通典太
平御覽太平寰宇記文獻通考引此文皆無南字
則知宋以前所見范書尙不誤而今本爲誤衍南
字無疑也范書本文不敢徑改今附其說如此以
俟考地理者證焉

儉傳云宮奔買溝沃沮傳云宮
奔北沃沮然則買溝卽置溝婁

也字不
同耳

高句驪今伊通
州境

後漢書東夷傳高句驪本出於夫餘其國在遼東之
東千里南與朝鮮濊貊東與沃沮北與夫餘接地方
二千里多大山深谷武帝滅朝鮮以高句驪爲縣使
屬元菟其人習戰鬪沃沮東濊皆屬焉

三國志東夷傳王莽時更名高句驪爲下句驪當此
時爲侯國漢光武帝八年始見稱王殤安之間屬元
菟靈帝建甯二年屬遼東嘉平中乞屬元菟

謹按漢之塞外與今柳條邊不甚相懸高句驪居

塞外而南接朝鮮北接夫餘朝鮮在今鴨綠江南
夫餘爲今長春及昌圖境則奉天之通化海龍與
吉林之伊通州皆高句驪舊地無疑

晉爲夫餘挹婁及高句驪北境

夫餘今伯都訥
長春府境

晉書四夷傳夫餘在元菟北千里南接鮮卑按後漢
書作西

接鮮卑當
係此誤國中有古濊城本濊貊之地也太康六年

爲慕容廆所襲破其王依慮自殺子弟走保沃沮明
年夫餘後王依羅還復舊國

山海經海內西經貊國在漢水東北地近於燕郭璞

注今扶餘國卽濊貊故地在長城北去元菟千里

謹按扶餘疆域在晉時與後漢同漢桓時鮮卑檀
石槐東卻夫餘晉書載記云慕容廆東伐夫餘皆
與後漢書西接鮮卑之文相合故知此文南字爲
誤無疑夫餘所居濊貊故地貊之建國乃在周時
詩云其追其貊是也貊地近燕者燕之東境極於
遼東遼東塞外卽夫餘西境其追其貊所以繼燕
師所完而詠也至其傳世莫得而考魏書高句驪
傳言北至舊扶餘似其稱名至魏而止意者經慕
容氏破滅之後雖旋即復國終於不振故魏書以

後遂不復見歟三國志東夷傳說扶餘與郭注同
是郭氏所本也

挹婁

今甯古塔
東北一帶

晉書東夷傳肅慎氏一名挹婁在不咸山北去夫餘
可六十日行東濱大海西接寇漫汗國北極弱水其
土界廣袤數千里居深山窮谷其路險阻車馬不通
謹按晉書不為沃沮高句驪立傳故其疆域靡得
而詳慕容暉載記略言慕容恪攻克高句驪南蘇
事是其北境之可見者也惟挹婁一國所記與漢
魏略同然云去夫餘可六十日行則非甯古塔三

姓所能盡蓋已舉三姓所屬海以外地而兼有之
挹婁疆域之盛始見於此唐書以後乃更加詳耳
北魏以後為勿吉豆莫婁

勿吉

魏書勿吉傳勿吉國在高句驪北舊肅慎國也去洛
五千里自和龍北二百餘里有善玉山山北行十三
日至祁黎山又北行七日至如洛環水水廣里餘又

北行十五日至太魯水

按和龍今承德府朝陽縣太
魯水當為今滔兒河又作拖

羅皆音之轉唐書之宅漏遼金之他魯達魯聖宗所
改撻魯河為長春河皆是水也自西北來經扎賴特
南界匯為納爾薩蘭池亦名日月池會嫩江入
於松花江江即粟末水洛環當即老哈之轉音又東

北行十八日到其國國有大水濶三里餘名速末水
國南有徒太山魏言太白其傍有大莫盧國覆鍾國
莫多回國庫婁國素和國具弗伏國匹黎尔國拔大
何國郁羽陵國庫伏眞國魯婁國羽眞侯國

北史勿吉傳勿吉國在高句驪北一曰靺鞨去洛陽
五千里其部類凡有七種其一號粟末部其二伯咄
部其三安車骨部其四拂涅部其五號室部其六黑
水部其七白山部

粟末部

今吉林府

伯咄部

今伯都訥

安車骨部

今阿勒楚喀五常廳境

拂涅部

今甯古塔

號室部

今甯古塔以東三姓以南地

黑水部

今三姓東北及富克錦左右地

白山部

今敦化縣及琿春西境

隋書靺鞨傳靺鞨在高麗之北凡有七種其一號粟
末部與高麗相接其二曰伯咄部在粟末之北其三
曰安車骨部在伯咄東北其四曰拂涅部在伯咄東
其五曰號室部在拂涅東其六曰黑水部在安車骨
西北其七曰白山部在粟末東南

按北史所述者魏事而所采者隋書

故以隋書附此
唐書亦類及焉

新唐書北狄傳黑水靺鞨居肅慎地亦曰挹婁元魏
時曰勿吉東瀕海西屬突厥南高麗北室韋離為數
十部酋各自治其著者曰粟末部居最南抵太白山
亦曰徒太山與高麗接依粟末水以居水源於山西
北注它漏河稍東北曰伯咄部又次曰安居骨部益
東曰拂涅部居骨之西北曰黑水部粟末之東曰白
山部部間遠者三四百里近二百里白山本臣高麗
王師取平壤其眾多入唐伯咄安車骨皆奔散寢微
無聞焉遺人迸入渤海唯黑水完疆分十六落以南

北稱蓋其居最北方者也

謹按勿吉疆界以南有徒太山一語斷之自當以
白山為限以自太魯水東北行十八日到其國斷
之則自今洮兒河合嫩河入松花江之處渡江東
北行約千餘里應在三姓富克錦之間以國有大
水名速末斷之則松花江以東際海之地唐書靺鞨傳東
至於海混同江以南抵長白山會典以松花江會
嫩江以下為混同皆
其國境也七部之分以北史考之應在魏獻文帝
延興以前證以今地松花江舊名粟末水則吉林
烏拉一帶為粟末舊部無疑粟末之北曰伯咄今

之伯都訥與金史之部渚樂皆伯咄之音轉唐書
作汨咄轉寫之誤也則伯咄卽伯都訥矣安車骨
卽按出虎也地在伯咄之東北應爲今賓州五常
兩廳境今甯古塔城西南八十里古城俗呼東京
城亦曰佛訥和城卽明佛訥和衛地與拂涅音近
又在伯咄東知爲甯古塔地信而有徵其北無別
部則固兼有三姓矣號室部在拂涅東則甯古塔
以東三姓富克錦以南皆應屬之白山部在粟末
東南則

國初長白山一部及今之敦化縣琿春城皆其地也

黑水部應爲今黑龍江然安車骨西北僅就其西
境言之其實黑水分部以南北爲柵則三姓以東
混同江南北之地皆其部之所在卽皆吉林地也
七部所分吉林十得八九年代雖遙山川猶昔按
其方位可考而知也

豆莫樓

今二姓東
北一帶

魏書豆莫婁傳豆莫婁國在勿吉國北千里去洛六
千里舊北扶餘也在室韋之東東至於海方二千里
新唐書北狄傳達末婁自言北扶餘之裔高麗滅其
國遣人度那河因居之或云他漏河東北流入黑水

謹按室韋爲今黑龍江地據會典圖黑龍江境東
不至海則江省以東際海之地爲昔時三姓副都
統所轄者固皆爲豆莫婁國境矣魏書勿吉傳作
大莫盧唐書作達末婁音轉字通實一國也第是
時那河已爲室韋之地不得又爲豆莫婁所居新
書殆就那河入江之後言之而仍被以本名歟何
秋濤謂魏收書於邊外山川形勢較各史最爲明
晰則魏書所記固可據依矣

靺鞨

隋至唐開元以前爲靺鞨及高麗北境

隋書靺鞨傳靺鞨在高麗之北邑落各有酋長不相
總一凡有七種已見北史卽古之肅慎氏也所居多依山
水東夷中爲強國有徒太山者俗甚敬畏其國西北
與契丹相接與隋懸隔唯粟末白山爲近

舊唐書北狄傳靺鞨蓋肅慎之地後魏謂之勿吉在
京師東北六千餘里東至於海西接突厥南界高麗
北鄰室韋其國凡爲數十部各有酋帥或附於高麗
或臣於突厥而黑水靺鞨最處北方尤稱勁健每恃
其勇恒爲鄰國之患

括地志靺鞨國古肅慎也在京東北萬里已下東及

北各抵大海其國南有白山

史記夏本紀正義引

又靺鞨國古肅慎也亦曰挹婁在京東北八千四百里南去夫餘千五百里東及北各抵大海

史記司馬相如列傳

正義引

謹按靺鞨七部之疆域隋書所載與北史同金史

云靺鞨本號勿吉古肅慎地也元魏時有七部隋

稱靺鞨而七部並同唐初有黑水靺鞨粟末靺鞨

其五部無聞今以唐書考之諸部奔散微弱咸在

初唐之世蓋靺鞨全境西南入於粟末而東北併

於黑水是靺鞨乃七部之總名黑水特七部之一

部其後先疆域本自不同舊書以靺鞨名篇敘次

最為并并新書誤以黑水之名冠於靺鞨之上遂

使先後分合之迹了不可尋而傳後敘述黑水四

至致疑重複微舊書在幾不能明源流考不知其

兩事而曲為之說則新書之誤有以啟之也

說詳後黑

水靺鞨條下

高麗

舊唐書東夷傳高麗者出自扶餘之別種也東渡海

至於新羅西北渡遼水至於營州南渡海至於百濟

北至靺鞨東西三千一百里南北二千里其王高建

武貞觀五年築長城東北自扶餘城西南至海千有餘里

括地志朝鮮高麗東沃沮五國之地國東西千三百里南北二千里在京師東東至大海四百里西至營州界九百二十里南至新羅國六百里北至靺鞨國千四百里

史記百十五正義引

資治通鑑二百一乾封二年高侃進至金山與高麗戰薛仁貴拔南蘇木底蒼巖三城

又總章元年薛仁貴既破高麗於金山遂拔扶餘城

原注扶餘國之故墟故城存其名扶餘川中四十餘城皆望風請服

李盡忠反叛祚榮與靺鞨乞四比羽各領亡命東奔保阻以自固盡忠既死則天命右玉鈐衛大將軍李楷固率兵討其餘黨先破斬乞四比羽又度天門嶺以迫祚榮祚榮合高麗靺鞨之眾以拒楷固王師大敗楷固脫身而還屬契丹及奚盡降突厥道路阻絕則天不能討榮遂率其眾東保桂婁之故地據東牟山築城以居之靺鞨之眾及高麗餘燼稍稍歸之聖歷中自立爲振國王其地在營州之東二千里南與新羅相接越熹靺鞨東北至黑水靺鞨地方二千里新唐書北狄傳渤海本粟末靺鞨附高麗者姓大氏

高麗滅率眾保挹婁之東牟山地直營州東二千里
南北新羅以泥河爲境東窮海西契丹築城郭以居
高麗通殘稍歸之萬歲通天中契丹盡忠殺營州都
督趙翽反有舍利乞乞仲象者與靺鞨酋乞四比羽
五代會要三十作大舍利乞乞仲象與靺鞨反及高
人乞四比羽原注大姓舍利官乞乞仲象名也麗餘種東走渡遼水保太白山之東北阻奧婁河樹
壁自固武后封乞四比羽爲許國公乞乞仲象爲震
國公赦其罪比羽不受命后詔玉鈐衛大將軍李楷
固中郎將索仇擊斬之是時仲象已死其子祚榮引
殘夷遁去楷固窮躡度天門嶺祚榮因高麗靺鞨兵

拒楷固楷固敗還於是契丹附突厥王師道絕不克
討祚榮卽并比羽之眾恃荒遠乃建國自號震國王
地方五千里盡得扶餘沃沮弁韓朝鮮海北諸國先
天中遣使拜爲渤海郡王以所統爲呼汗州領忽汗
州都督自是始云靺鞨號專稱渤海子武藝立斥大
土字東北諸夷畏臣之子欽茂立天寶中徙上京直
舊國三百里忽汗河之東寶應元年詔以渤海爲國
貞元時東南徙東京華璵爲王復還上京仁秀立頗
能討伐海北諸部開大境宇有功爲海東盛國地有
五京十五府六十二州

賈耽道里記營州東百八十里至燕郡城又經汝羅

守捉渡遼水至安東都護府五百里府故漢襄平城

也自都護府東北經古蓋牟新城又經渤海長嶺府

千五百里至渤海王城城臨忽汗海其西南三十里

古肅慎城其北經德里鎮至南黑水靺鞨千里新唐書四

十三引源流考按此為營州陸行至渤海之路

又登州海口北行至鴨綠江口舟行百餘里乃小舫

泝流東北三十里至泊灼口得渤海之境又泝流五

百里至丸都縣城故高麗王都又東北泝流二百里

至神州又陸行四百里至顯州天寶中王所都又正

北如東六百里至渤海王城新唐書四十三引源流考按此為登州海行之路

滿洲源流考十渤海大祚榮所都在長白山東北大

欽茂又東徙三百里直忽汗河之東今甯古塔呼爾

哈河也呼爾哈河匯於甯古塔城西南一百里之畢

爾騰湖湖廣五六里袤七十里許中有三山即所謂

忽汗海也德林石在其北即德理鎮所在也又自發

庫東繞甯古塔城旁古大城之南東北流與混同江

合然則渤海上京及忽汗城實在甯古塔城旁矣

一統志按渤海所置五京十五府六十二州多在今

吉林烏拉甯古塔及朝鮮界其安東府所治遼東故地雖入渤海建置無聞地理志賈耽所紀可考遼時東京州縣多襲其名號非復故地遼史謂皆渤海之舊其實未盡然也

謹按渤海王城卽上京龍泉府實維挹婁故壤今爲甯古塔地舊唐書所謂在營州之東二千里者是也大祚榮所居忽汗州卽長白山東北之奧婁河境後呼爲舊國今爲敦化縣地新唐書所謂徙上京值舊國三百里者是也舊書言大氏始徙營州其地在今奉天錦州府北境以外說見後後乃東

奔保阻以自固史不言其所在以下文考之則固在天門嶺以西繼又越天門嶺東保挹婁桂婁卽挹婁

遂據東牟山挹婁爲甯古塔之地東牟卽甯古塔

之山明一統志謂東牟山在瀋陽衛東二十里誤說見後里至方隅顯然明

白自新書敘次凌躡疑誤遂滋今爲一一辨之新書言大氏於高麗滅後卽保挹婁繼言東渡遼水保太白山之奧婁河則是以遼水爲在挹婁之東矣繼言遁去度天門嶺則是謂天門嶺又在白山之東矣且旣云遁去則是已去白山又云恃荒遠乃建國則其建國竟在何方繼又云以所統爲呼

汗州則又以忽汗河與奧婁河為兩地矣倘恍迷

離按之古今里至無一而合以當時事實求之渤

海本徙營州東渡遼水度天門嶺始保太白山阻

奧婁河舊書東奔保阻之文不言其地最有斟酌

新書昧於地理遠指太白山以實之遂使

上下方位皆不可通且遼水距太白山甚遠非一

蹴可至故知窮躡度天門嶺為在東渡遼水之後

保太白山後乃徙上京舊書無以所領為忽汗州

之文而以挹婁為王城其於地理初無舛誤新書

補舊書之闕而東西易位後先倒置遂使考地理

者極費檢尋新書之誤在敘保據挹婁於東渡遼

水之前若謂先定疆域而後敘事則

萬歲通天之上亦應有追敘之筆推尋文義又實

不爾直緣誤認安東都護府為挹婁故地而不知

下文之不遼史不考兩書之異同復不知新書之

相蒙也踏誤直以挹婁故地屬諸東京而明一統志因之

其誤實皆新書啟之也考遼東京遼陽府唐為安

東都護府今為奉天遼陽州地在遼水之東而下

文乃云東渡遼水按之圖記實不可通明統志又

云東牟山在瀋陽衛東二十里瀋陽衛即則與遼

今奉天府陽州相去一百數十里於挹婁東牟相接成文之

義亦理不相合沿訛襲謬無所取裁猶幸舊書西

去營州二千里之文新書未經刊削據此辨方定

位差有折衷新書地理志云營州柳城郡東有鎮

安軍本燕京守捉城貞元二年爲軍城西四百八
十里有渝關守捉城又有汝羅懷遠巫閭襄平四
守捉城考唐營州爲今承德府朝陽縣地卽三座塔距奉天錦州西北百里許據承德府志及蒙古游牧
記若李兆洛謂在今永平府治顯與史文違異其說非是東至甯古塔西南至臨榆縣境核以今之里
至均屬相符則據舊書之文以正新書之失而遼
史明志相承之誤胥有以定之矣蓋渤海雖五京
並建而王都所在厥維上京其疆域所至史蓋卽
其建都最後之地而終言之不得執爲大祚榮始
居忽汗州之四至也

又按唐書地理志云貞元宰相賈耽考方域道里
之數最詳從邊州入四夷通譯於鴻臚者莫不畢
紀其入四夷之路與關戍走集最要者七一曰營
州入安東道二曰登州海行入高麗渤海道是滿
洲源流考所本也

又按唐會要九十六靺鞨條云黑水界南與渤海
國德里府接是相距不遠之徵今道里紀云北經
德里鎮至南黑水靺鞨千里由今甯古塔北行千
里則已在混同江外爲北黑水部地矣何處更容
南部耶疑千里字有誤

上京龍泉府

今甯古塔西

新唐書北狄傳肅慎故地為上京龍泉府領龍湖渤

三州

遼史本紀二天顯元年正月庚申拔扶餘城丙寅圍

忽汗城譚譚率僚屬三百餘人出降改渤海國為東

丹忽汗城為天福册皇太子貝為人皇王以主之

謹按遼自破忽汗城獲譚譚遂改其地為東丹而

五代史宋史皆云取夫餘一城蓋因渤海復攻夫

餘誤以為未得上京耳考遼史圖欲傳云天顯元

年從征渤海拔扶餘城上欲括戶口倍即圖諫曰

今始得地而料民民必不安若乘破竹之勢徑造

忽汗城克之必矣太祖從之是連取兩城之徵又

考太祖本紀庚申拔扶餘城丙申已圍忽汗城七

日之間馳驟千里當時軍行飄忽若此所謂乘破

竹之勢也至忽汗城本渤海上京地特遼旋得旋

失又以其名施於遼陽眩惑後人因而致誤考太

宗本紀天顯二年太宗即位未改元人皇王在皇都詔遣

耶律羽之遷東丹民以實東平即遼陽其民或亡入

新羅女直又圖欲傳亦云太宗既立見疑以東平

為南京徙倍居之盡遷其民則遼失忽汗應在此

時其忽汗之舊名施於遼陽之新邑亦應在此時
後人不考以遼史所稱忽汗皆為渤海中京又謂
渤海中京顯德府為即遼之東京遼陽府一誤再
誤其愼甚矣

龍州

遼史地理志「太祖破龍州盡徙富利縣人散居京
南

又長霸縣本龍州長平縣民遷於此源流考按龍州
所屬縣名僅見

此二縣
餘無考

謹按遼史地理志云龍州黃龍府本渤海扶餘府

黃龍縣本渤海長平縣併富利佐慕肅慎置考長
平富利本屬渤海之龍州遼破龍州遷其民於通
州之地而被以龍州之名與渤海龍州實非一地
特此兩縣猶可藉遼史以考見其名其佐慕肅慎
渤海舊屬某州史無明文則不可考矣

湖州

又湖州興利軍渤海置

謹按今甯古塔西九十里有鏡泊其南曰畢爾騰
湖出鯽入貢唐書所稱湄沱湖之鯽即此湖州當
以湖得名

渤海

又渤海清化軍渤海置貢珍縣亦渤海置

謹按天下之形勢視乎都會上京之地固東方一大都會也渤海據而有之故能拒新羅服黑水宅中圖大者二百數十年蓋勢據上游為西鄙之藩籬東海之門戶渤海不自弱遼固不能取遼若善守金亦何由興哉然而金城湯池不得其人以守之猶之撮土勺水苟得其人無在不可自立是知長駕遠馭其責在人體國經野其要在險國初以甯古塔為重鎮慮深遠矣

中京顯德府

今吉林府南及伊通州東南境

新唐書北狄傳上京之南為中京曰顯德府領盧顯

鐵湯榮興六州

盧州

遼史地理志二盧州本渤海杉盧郡縣五山陽杉盧

漢陽白巖霜巖在京東一百三十里

謹按遼史載盧鐵湯榮興五州至京里到以遼時

言之其所謂京自係今之遼陽而盧為今熊岳

陽東

與史言京東不合鐵為今海城

在遼陽南與

史言西南六十里不合湯為今蓋平

在遼陽東南百八十里

與史言京西北不合興為今鐵嶺南六十里在遼陽東
北百八十里與史言西南不合考遼史僅開即渤海東
十里京慶州盧渤海海渤海遼渤海西京四州所屬州縣載有至州
里到而自盧鐵湯榮興五州外未有載至京里到
者始悟此五州所載皆渤海時各州至四京里到
非遼時各州至東京里到也修遼史者誤合為一
故多齟齬分別觀之斯瞭然矣

顯州

賈耽道里記自神州陸行四百里至顯州天寶中王
所都新唐書四十三引滿洲源流考案顯州為王
都當為顯德府附郭之州今次於盧州之後疑

次有
誤

謹按神州遼為涿州在桓州東北二百里桓州高
麗舊都在今奉天通溝口則神州當為今奉天通
化縣東境顯州距神州四百里當在今吉林府西
南境三省圖說謂即今那丹佛勒城然城基甚狹
不足為京唯蘇密城在吉林府西南二百八十餘
里在那丹佛勒東一百餘里
周七里餘內有子城方隅里到均屬相符此當是
也且蘇密為粟末之對音渤海本粟末之遺中京
為始興之地可無疑也

鐵州

遼史地理志一鐵州渤海置縣四位城河端蒼山龍
珍在京西南六十里

五代史記十七自幽州行十餘日過平州出榆關又
行七八日至錦州又行五六日過海北州至東丹王
墓又行十餘日渡遼水至渤海國鐵州又行七八日
過南海府

湯州

遼史地理志二湯州故縣五靈峯常豐白石均谷嘉
利在京西北一百五十里

謹按今吉林城西南二百五十餘里有溫泉爲雙

陽河源東南距蘇密一百餘里以里到測之湯州
應在其地

榮州

又崇州故縣三崇山瀉水緣城在京東北一百五十

里按崇州與湯興相間
當卽渤海之榮州

興州

又興州渤海置故縣三盛吉蒜山鐵山在京西南三
百里

謹按遼史地理志曰東京魏時爲高麗平壤城遼
東京本此唐於此置安東都護府又曰渤海忽汗

州卽故平壤城也號中京顯德府太祖攻渤海拔其城以爲東丹王國又曰葺遼陽故城以渤海漢戶建東平郡遷東丹國民居之考唐安東都護府本在平壤上元三年徙遼東郡故城儀鳳中徙新城卽今遼陽州治遼史據後徙之區猶指爲初置之所不知其相去已五百餘里其誤一忽汗州以河得名唐書所載甚確自當爲上京地乃指爲平壤城其誤二中京上京自是兩地乃以忽汗州爲顯德府合爲一區其誤三顯德府在上京之南自當在長白山北乃引而置之平壤之地何止謬以千里其誤四據賈耽道里紀自鴨綠江口東北行千二百餘里乃至顯州正當在今吉林之南乃又推之遼水以西廣甯之東方隅不辨其誤五且州爲王都自當附府乃府在襄平而謂州在醫巫閭山蓋以遼之顯州爲渤海之顯州牽引附會不顧其安其誤六旣認遼陽城爲東丹國又曰葺遼陽故城遷東丹國民實之然則東京本平壤忽汗州卽平壤之云又作何解數行之中忽東忽西忽分忽合使人眩惑莫知適從其誤七遼志疏謬不可枚舉而於東京尤甚今據唐書傳志詳爲辨之特

是渤海縣名賴此猶存梗概故略加裁取分列各條讀遼史者無以耶律僑置之名遂指爲大氏始建之地則渤海疆域大半尙可推尋也

東京龍原府

新唐書北狄傳濊貊故地爲東京曰龍原府一曰柵城府領慶鹽穆賀四州

又欽茂貞元時東南徙東京

又龍原東南瀕海日本道也

遼史地理志一慶州渤海東京龍原府故縣六龍原永安烏山壁谷熊山白楊

又鹽州渤海龍河郡故縣四海陽接海格州龍河

又穆州渤海會農郡故縣四會農水歧順化美縣

又賀州渤海吉理郡故縣四洪賀送誠吉理石山

謹按渤海五京疆域惟新書可考而四京方位應以上京爲衡上京城臨忽汗海爲今甯古塔無疑則四京之地皆應自上京推之唐書云大欽茂東南徙東京又云東南瀕海日本道也考渤海南京南海府爲今琿春其地直上京之南其東爲率賓府實今綏芬河於上京爲東南又其東少北今爲烏蘇哩江發源之錫赫特山地在上京之東而稍

迤南東南兩面皆際海其南與日本南北相值按
之新書之文無一不合竊疑渤海東京之地惟此
足以當之遼史乃以為高麗慶州之地則在吉林
極西南鴨綠江外朝鮮咸興府境此大謬也夫曰
瀕海則在海隅而非江外咸興府則鴨綠江外矣
曰東南則不應置之西南鴨綠江則西南矣曰日
本道則不能與朝鮮相值慶州則值朝鮮矣況鴨
綠府本為朝鮮道新書鴨綠府朝貢道也貢字不
係鮮字之訛今從通典改正不
應咫尺之間頓置兩府而越國鄙遠取道亦何其
迂且南海府為新羅道新羅在朝鮮之東日本又

在新羅之東以三國次序按之三京方位一一符

合則遼史之誤決然可知大抵渤海五京與遼之

五京形勢約略相似

遼上京臨潢府在北其南為
中京大定府又南為南京析

津府中京居南上兩京之中中京之東為東京遼
陽府中京之西為西京大同府中京又居東西兩
京之中大
略如此南京與上京南北相值東京在上京東

南自南京視之則為東北中京在上京西南

唐書
言上

京之南其實西南顧祖禹曰凡地理言南可與東
通言北可與西通非若東與西南與北迥相反者
今取其意自南京視之則為西北中京之西為西京中

京蓋居四京之中則東京之在中京之東於上京
為東南以地望準之為烏蘇哩江地無可疑者若

遼史以顯州今廣甯縣為顯德府則於四京皆無所著

而中字之義尤不可通宜其普於東京之方位也

慶鹽穆賀四州大抵皆海濱地而今不可考矣

南京南海府今瑛春境

新唐書北狄傳沃沮故地為南京曰南海府領沃晴

椒三州

又南海新羅道也

謹按唐時新羅在今朝鮮咸鏡江源兩道之間以

南海新羅道之文考之則南京當為今咸鏡道北

界及瑋春沿海之地遼史以海州南海軍為即渤

海之南京不知東西相去不止千里之謬也遼得

上京旋即棄去當時兵力並未能更及南京觀天

顯以後渤海南京尚朝於唐則遼史之誤決可知

矣

沃州

遼史地理志二渤海南京南海府疊石為城幅員九

里都督沃晴椒三州縣六沃沮鶯巖龍山濱海昇平

靈泉

謹按遼史以沃沮六縣為南海府屬蓋沃州為附

郭之州六縣為沃州所屬之縣屬州即屬府耳

晴州

又渤海晴州縣五天晴神陽蓮池狼山仙巖

椒州

又渤海椒州縣五椒山貂嶺漸泉尖山巖淵

巖淵縣東界新羅故平壤城在縣西南

謹按唐時新羅境當北抵今朝鮮境城左近古平

壤在今朝鮮平安道以地望測之椒州當在長白

山南麓

扶餘府

今長春府農安縣境

新唐書北狄傳扶餘故地為扶餘府常屯勁兵捍契

丹領扶仙二州

又扶餘契丹道也

扶州

仙州

滿洲源流考十按夫餘府扶仙二州遼時皆廢扶州

即因扶餘得名當為附郭所屬縣名見於遼史屬龍

州者八

長平富利佐慕肅慎永甯豐水扶羅永平

屬通州者七

扶餘布多顯義鵲川

強師新安漁谷共七原作六誤當即扶仙二州所隸第遼史既言改

夫餘府為龍州又言改龍州為通州而所置諸縣或

沿或併尚有其舊疑遼之龍州其地本廣因燕頗之

役遼史黃龍府保甯七年軍將燕頰叛府廢舊治已廢開泰中移黃龍府

於東北又分置通州也黃龍府所屬長平等縣為扶

州屬邑通州所屬扶餘等縣即為仙州屬縣也

東平府今甯古塔三姓境

新唐書北狄傳拂涅故地為東平府領伊蒙洮黑比

五州

遼史地理志二拂涅國城渤海為東平府太祖伐渤

海先破東平府遷民實之故東平府都督伊蒙洮黑

比五州共領縣十八

伊州

蒙州

又拂涅國置東平府領蒙州紫蒙縣後徙遼城並入

黃嶺縣渤海復為紫蒙縣

洮州

黑州

比州

謹按拂涅故地為渤海上京東平府拂涅所置亦

當距上京不遠以隋唐兩書所載地望準之甯古

塔三姓以西五常廳賓州廳以東皆當為拂涅國

境則東平一府當不出甯姓之間遼史以為遼州

始平軍地則遠在奉天省城以西與隋唐書所云伯咄安車骨以東之文相去懸絕此必不然之事也遼志云遼以征伐俘戶建州襟要之地多因舊居名之故渤海州縣遷移其民於他所者十之五六今考志中稍爲分別者如曰某州本渤海民戶則爲遼所移曰某州渤海置則是仍渤海之舊然其考之未審者實不一而足如渤海五京在吉林者四其十五府在吉林者九遼史概以爲在今奉天地按之唐書所云無一而合故知其不足據也

率賓府

今甯古塔東南琿春及敦化縣境

新唐書北狄傳率賓故地爲率賓府領華益建三州
遼史地理志二東京率賓府刺史故率賓國地

華州

益州

謹按率賓府境當在今甯古塔東南滿洲源流考以爲鴨綠江一名益州江益州當與鴨綠相近不知益州江在今奉天鳳凰城東南在渤海爲西京鴨綠府與率賓固大相懸遠也遼史東京益州觀察屬黃龍府當係創立非渤海之舊

建州

卽鄂多理城也

五代史記十七自遼陽東南行千二百里至建州滿洲

源流考按建州之名置於渤海本在今吉林境至遼時一移於凌河之南再移於凌河之北金元相承而建州遂在今錦州邊矣

元一統志金上京之南曰建州海蘭河經故建州東

南一千里入於海混同江北流經故建州五十里匯

諸水東北流下達五國頭城滿洲源流考七引

明一統志八十九率賓河流經建州衛東南一千五百里入於海

曹廷杰曰唐書稱渤海大氏東渡遼水保太白山之東北阻鄂倫河樹壁自固查今鄂多哩城在牡

丹江源西岸牡丹江又名瑚爾哈即忽汗河也以

地望準之與鄂倫河實為一地然則鄂倫河者乃

忽汗河之本名因先天中賜名忽汗州始有忽汗

河之稱又以忽汗海為眾水所歸故稱海以別之

武義徙上京本拂涅國故地亦稱佛訥和城自鄂

多哩城至東京城實三百里故曰直舊國三百里

忽汗海之東也遍考此外距東京城三百里者別

無城基可以當此故知為鄂多哩城無疑也

謹按歐史晉家人傳明云自遼陽東南行千二百

里至建州遼陽即今州治東南至今鄂多里城地

方隅里至均屬相符而胡三省通鑑注乃云在遼陽之西北蓋以遼時所置靈河以南之建州當之顯與史文違異今不取

涑州 今打牲烏拉城

新唐書北狄傳涑州為獨奏州以其近涑沫江蓋所謂粟末水也 滿洲源流考按通考文與此同獨奏之義當猶今直隸州不轄於府而事得專也

遼史地理志二涑州刺史渤海置

謹按高麗傳云大遼水出靺鞨西南山 大遼今黑兒蘇河 又賈道里記至泊灼口得渤海之境 今奉天鳳凰廳界

可見渤海西境僅抵奉天其國土當全在吉林也

鐵利府

新唐書北狄傳鐵利故地為鐵利府領廣汾蒲海義歸六州

謹按鐵利一府據唐書稱為鐵利故地似更在拂涅東北契丹國志謂其國西南與靺鞨接界是為明徵第靺鞨全疆當唐時久為粟末黑水兩部分據自德里以北已為黑水部地渤海不應以郡縣治之意者渤海強盛黑水皆役屬之當時建置遂能遠越混同江以北厥後渤海寢衰黑水復擅其

地府境又入黑水故其沿革無得而稽歟遼史鐵利州刺史謂是故鐵利國地然其所列廣州諸地皆在今奉天鐵嶺新民廳之間蓋亦取渤海之名而非實有其地考本紀自太宗天顯二年迄於天祚之世鐵驪頻年入貢則東京所屬其非故國益明遼史之不足據也信矣

又按渤海定理府爲今承德縣鄭頡府爲今昌圖府南境懷遠府爲今昌圖西北境安邊府爲今開原北境長嶺府爲今海龍廳境安遠府暨西京鴨綠府爲今寬甸懷仁通化境其地均在奉天故從

省

黑水靺鞨

今三姓以東皆其境

舊唐書北狄傳白山部素附於高麗因收平壤之後部眾多入中國汨咄安居骨室等部亦因高麗破後奔散微弱後無聞焉縱有遺人並爲渤海編戶唯黑水部全盛分爲十六部部又以南北爲柵

新唐書北狄傳室建河東合那河忽汗河又東貫黑水靺鞨故靺鞨跨水有南北部

又黑水靺鞨居肅慎地亦曰挹婁元魏時曰勿吉直京師東北六千里離爲數十部酋各自治部間遠者

三四百里近二百里

新唐書地理志渤海王城北經德里鎮至南黑水靺鞨千里

唐會要黑水界南與渤海國德里府接源流考按渤海十五府具

載唐書及通考無德里府之名據新唐書蓋鎮名也
以地與音考之今甯古塔城西九十里自鄂摩和湖東繞沙蘭站之南至呼爾哈河有大石廣二十餘里袤百餘里名德林沃赫俗呼黑石甸子與林音實相近呼爾哈河即渤海舊都所在鎮名當取諸此
北至小海東至大海西至室韋南北約二千里東西約一千里渤海寢強黑水亦為所屬

舊唐書北狄傳其地南距渤海北東際於海西接室

韋南北表二千里東西千里源流考按上文云西屬突厥北室韋而後又云

西抵室韋考新唐書室韋傳室韋地據黃龍北東黑水靺鞨西突厥南契丹北瀕海則黑水部實西北皆隣室韋也
黑水靺鞨最處北方尤稱勁健父子相承世為君長

文獻通考四夷考武德五年渠長阿固即始來太宗

貞觀二年乃臣服所獻有常以其地為燕州

唐會要貞觀十四年以黑水地為黑水州

新唐書北狄傳開元十年其酋倪屬利稽來朝元宗即拜勃利州刺史

舊唐書北狄傳開元十三年安東都護薛泰請於黑

水靺鞨內置黑水軍續更以最大部落爲黑水府以其首領爲都督諸部刺史隸屬焉中國置長史就其部落監領之十六年其都督賜姓李氏名獻誠授雲麾將軍兼黑水經略使仍以幽州都督爲其押使

新唐書北狄傳黑水東北又有思慕部益北行十日得郡利部東北行十日得窟說部亦號屈說稍東南行十日得莫曳皆部又有拂涅虞婁越喜鐵利等部其地南距渤海北東際於海西接室韋南北袤二千里東西千里拂涅鐵利虞婁越 時時通中國而郡利屈說莫曳皆不能自通

謹按靺鞨七部魏隋兩代疆域無殊其奔散微弱咸在初唐之世於時黑水勁強恒爲鄰境之患意其斥大土宇非復前規觀其初境僅在安車骨部西北一隅後乃南與渤海德里府接是其自西而東之明驗也唐書室韋傳云室建河東合那河忽汗河又東貫黑水靺鞨故靺鞨有南北部寰宇記云黑水部全盛分爲十六部落以南北爲桐地考室建河卽黑龍江其與松花江合流之處在今富克錦東北之黑河口那河卽嫩江忽汗河卽牡丹江唐書所云係指兩河下流之水而言第兩河旣

入松江卽不得復施故號是唐史之疏也然唐以前所謂粟末水者僅自長白山至今伯都訥而止以下則隨其所受而名之故其言如此謂前史誤以松花江爲黑龍江者非也要之名稱雖異疆里可稽據古驗今不難辨方定位耳史又稱室建水東貫黑水靺鞨故靺鞨跨水有南北部以地望診之南部在混同江南烏蘇里江左右之地爲甯古塔東境北部在江北費雅喀奇勒爾之地爲三姓東北境新書謂北東際海則東至東海濱北至索倫河皆黑水部落矣勃利州未詳所在通典云貞

觀二十年李靖破高麗於南蘇班師至頗利城渡白狼蒼崑二水在奉天新民廳境去黑水絕遠疑非今富克錦東北境外有伯利地方音譯方隅皆合或當是也黑水州黑水府名惟遙設義等羈縻自統全疆初無專治若黑水西北有思慕部益北行得郡利部皆應在黑龍江外不屬吉林東北窟說部字與庫葉同音爲今庫頁島地毫無疑義稍東南行十日得莫曳皆部應爲今奇雅喀喇人等所居之地其拂涅虞婁越喜鐵利等部以黑水四至徵之皆應在吉林東北拂涅已見前虞婁越喜

無所考鐵利據契丹國志在臨潢正東北五千餘里西南與靺鞨國接亦應距庫葉不遠遼史以契丹僑置之名認為初唐荒遠之國誤矣別詳遼史條下大抵魏之勿吉隋之靺鞨名稱雖易七部並同至唐初而五部無聞唯粟末黑水獨盛粟末別見渤海條以唐書考之靺鞨七部全境之地粟末并其西南黑水據其東北而黑水南北部之中又自分十六部其名之可知者八皆北部地也是靺鞨與黑水本自兩事唐書所云東至於海西接突厥南接高麗北鄰室韋是靺鞨之四至元魏隋唐之所同也新書

所云南距渤海北東際於海西抵室韋是黑水靺鞨之四至七部散微之後黑水之所獨也

又按渤海為海東盛國自唐則天時迄於後唐歷

二百餘年其地界南越長白得新羅今朝鮮咸鏡道高麗

今朝鮮平安道及奉天懷仁通化海龍之境北至黑龍江東至烏蘇

哩江因東平率賓以東未設府州知之幅員五千里建五京十五

府官府制度燦然大備實開肅慎以來未有之業

至遼太祖雖破忽汗改為東丹不久而復失之按

史自人皇王以後無復稱東丹者其得而復失雖無明文以遼史邊界考之僅至今松花江以西蓋自人皇王入唐地已非遼有矣所得而守者扶餘暨甯江州地耳

遼既未能全併渤海

益齋集渤海為丹兵所破其世子大光顯等領其餘眾數

萬戶日夜倍道來奔太祖使奉其本國祖先之祀其所云蓋在初破忽汗時觀遼史聖宗二十一年渤海來貢可見渤海

立國尚仍其舊也以所俘獲散置他處取渤海

之名以名其地故以今奉天廣甯地為顯德府以

海城蓋平地為南京後人不察多沿其誤非以唐

書鞞鞞傳地理志細覈其方隅里到其不為遼史

所誤者幾何哉

